

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04** Kommunalbestyrelsimi ilaasortat 2016-imi akissarsiassa
- Imm. 05** Maniitsumi Efterskolimut attartornermut isumaqatigiisummut isertitanut konto nutaaq

Suliassat nalinginnaasut

- Imm. 06** Kangerlussuarimi biilinit misileraavik.
- Imm. 07** Kangerlussuarimi mittarfik.
- Imm. 08** Kommunip pilersaarusiordfigineqarneranut tapiliussassat pillugit oqaluuserisassanik nassiussisarneq kiisalu tusarniaasarnerni suleriaasissaq.
- Imm. 09** Kukkunersuisut Qeqqata Kommunianut nalunaarutaat nr. 19 aamma 20.
- imm. 10** 2015-mi pitsaassuseq pillugu atuarfiit nalunaarusiaat
- Imm. 11** Oqaluuserisassatut siunnersuut - Qeqqata Kommunian-ni namminersortunngorsaaneq namminersortunngorsaasimanerlu.
- Imm. 12** Oqaluuserisassatut siunnersuut - Kommunimi illunik allanngutsaaliugassat.
- Imm. 13** Oqaluuserisassatut siunnersuut – Sisimiut Kangerlussuullu akornanni illuaqqat
- Imm. 14** Oqaluuserisassatut siunnersuut – Nunaqarfittatinniit tunisassiornermi killilersuisarneq.
- Imm. 15** Oqaluuserisassatut siunnersuut – Sisimiuni umiatsiavileqarneq
- Imm. 16** Aningaasaqarnermut ataatsimiititaliap kommunalbestyrelsillu 2016-imi ataatsimiiffissaannut siunnersuutit.

Paasissutissiissutit

- Imm. 17** Kangaamiuni qatserisartunit saaffiginnissut.

- Imm. 18** Ilaqtariinnermut immikkoortortaqarfik pillugu 2016-imut missingersuummut ilanngussaq pillugu paasissutissiissut.
- Imm. 19** Atuartut akornanni aanngajaarniutinik atuinermik misissuisimaneq pillugu paasissutissiissut
- Imm. 20** Ataatsimoorussamik Itilleq/Sarfannugit nunaqarfinni aqutsisuniit Peter Karlsen-ip tunuarniuteqarnera pillugu paasissutissiissut.
- Imm. 21** Borgmesterip aalajangiinera - Tikaagullinnut qamutilissorluni pisassiissutiniit ataatsimoorussamik piniaqatigiilluni pisassiissutitut nuussinissaq pillugu tusarniaaneq.
- Imm. 22** Tamalaat.

Ataatsimiinneq videokonference atorlugu ingerlanneqassaaq aallartissallunilu nal. 8:30

Peqataasut:

Atassut

Inuit Ataqaatigiit

Naleraq

Siumut

Nalunaaruteqarlutik peqataannngitsut:

**Imm. 01 Oqaluuserisassat akuersissutigineri
Aalajangiineq**

**Imm. 02 Borgmesterip nalunaarutaa
Aalajangiineq**

**Imm. 03 Ataatsimiititaliani siulittaasut nalunaarutaat
Aalajangiineq**

Imm. 04 Kommunalbestyrelsimi ilaasortat 2016-imi akissarsiassaas

Journalnr. 06.01.01

Tunuliaqutaq

Ukiup tullissaanut missingersuutissanik kommunalbestyrelsi akuersissuteqarnerminut atatillugu akissarsiassami annertussusissaa ilanngullugu akuersissutigisarpaa. Pissutsinik ataasiakkaanik isumannaarinerup kiisalu pitsaassutsimik misissuinerup kingunerisaanik, kommunalbestyrelsimi nunaqarfinnilu ataatsimiititaliani ilaasortat 2016-imi akissarsiassaas, missingersuutissatut siunnersuummut ilanngunneqanngillat.

Maleruagassatigut tunngavissat

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq.

Nalunaarut nr. 25-mi, 20013-imi decembarip 30-aneersumi ima allassimasoqarpoq:

§ 1. Borgmesterip akissarsiassai kommunalbestyrelsimit taassuma atuuffianut aalajangersarneqassapput.

Imm. 2. Ukiumut tullermut missingersuusiornermut atatillugu borgmesterit tulliisa, kommunalbestyrelsinut nunaqarfinnilu aqutsisunut ilaasortat, ataatsimiititaliani siulittaasut nunaqarfinnilu aqutsisuni siulittaasut akissarsiaasa annertussusissaas kommunalbestyrelsip aalajangersassavaa.

§ 2. Borgmesteri ukiumut akissarsiaqartinneqassaaq annerpaamik Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandinut akissarsiat pillugit isumaqatigiissutit qaqugukkulluunniit atuuttut naapertorlugit akissaateqarfiit 38-iannut, nalinginnaasumik tapiissutit ilanngullugit, naapertuuttumik kisiannili nalinginnaasumik akissaateqarfiit nikerarnerinut tapiissutit ilanngunnagit, aamma tapiissutit tamaasa eqqarsaatigalugit 1.4. 1991 akit naapertorlugit ukiumut tunngaviusumik kr. 130.600-unik immikkut tapiissutitalimmut, aamma ukiumut tunngaviusumik kr. 174.130-nik immikkut tapiissutitalimmut, kiisalu aamma sulii ukiumut tunngaviusumik kr. 12.100-unik immikkut tapiissutitalimmut, naapertuuttumik sulinnigiffeqartarnerlu pillugu inatsit naapertorlugu immikkut sulinnigiffeqarnerisuteqartitsisoqassalluni.

Immikkut tapit tamaasa eqqarsaatigalugit, 1991-imi aprilip aallaqqaataani tunngaviusumik akigititatu atuupput.

Imm. 2. Borgmesterip akissarsiai tunniunneqartassapput Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandit qaammammusiiallit akissarsiaasa tunniunneqartarnerattut.

Imm. 3. Borgmesterit Naalakkersuisut akuersisimatinnagit borgmesterit akissarsiamik saniatigut nalunaarut manna malillugu kommunimi suliarititanut allanut akissarsiaqarsinnaanngillat.

§ 5. Kommunalbestyrelsip kommunalbestyrelsimut ilaasortat aalajangersimasumik akissarsiaqartissavai amerlanerpaamik akissarsiap § 2, imm. 1-mi taaneqartup arfinilinnngorlugu avinneranik ataatsimik.

Imm. 2. Akissarsiat tunniunneqartassapput kommunalbestyrelsimut ilaasortanut tamanut

akissarsiassat amerlanerpaaffissaasa agguarneri assigiimmik annertussuseqartillugit.

§6. Nunaqarfinni aqutsisunut ilaasortat akissarsiaqartinneqassapput amerlanerpaamik akissarsiap § 2, imm. 1-imi taaneqartup 1/12-anik.

Stk. 2 Akissarsiap tunniunneqartassapput nunaqarfinni aqutsisunut ilaasortat tamat anigaasarsiat qaffasinneraasa agguarneri assigiimmik annertussuseqartillugit.

§ 7. Kommunalbestyrelsip ilassutitut aningaasarsiat nunaqarfinni aqutsisunut siulittaasumut tunniussinnaavai. Ilassutitut aningaasarsiat ukiumut amerlanerpaamik akissarsiap § 2, imm. 1-imi taaneqartup 1/12-anik annertussuseqarsinnaapput.

Pissutsit atuuttut

Qeqqata Kommuniani qinikkiat akissarsiaqarsinnaatitaasut tulliuuttut ipput:

Kommunalbestyrelsi:

Ilaasortat 15-it, taakkunannga borgmesteri ataaseq, tullersortiilu marluk

Borgmesterip siulittaasuuffigisaa aningaasaqarnermut ataatsimiititaliaq ilanngullugu politikikkut ataatsimiititaliat arfinillit.

Nunaqarfimmi aqutsisut (4):

Ilaasortat 16-it, taakkunannga siulittaasut sisamat.

Kommunalbestyrelsimut ilaasortat, nunaqarfimmi aqutsisunut ilaasortat qaffasinnerpaamik akissarsiaqartinneqassanersut kiisalu ataatsimiititaliani suliat annertussusii aallaavigalugit ataatsimiititaliat siulittaasui akissarsiaqartinneqassanersoq kommunalbestyrelsip aalajangersartarpaa.

Nalunaarut nr. 25, 2013-imi decembarip 30-aneersoq naapertorlugu, qaffasinnerpaamik akissarsiaqartitsisoqassappat, 2016-imi apriilip aallaqqaataani iluarsisuteqartoqassappat, akissarsiap tullinnguuttussatut naatsorsorneqarput:

Eqitsit 1

Qeqqata Kommunua	01.01. 2016- imit	01.04.2016- imit	Akissarsiat
2016-imi akissarsiasat aalajangersarneqarnerat	qaammammut	qaammammut	2016
Borgmesteri § 2-mi imm. 1	75.764,21	76.553,23	916.271,70
1. Borgmesterip tullia § 3 - § 2-mi imm. 1-ip 15 procentii	11.364,63	11.482,98	137.440,76
Kommunalbestyrelsimut ilaasortaq § 5 - § 2-mi imm. 1-ip 1/6-ii	12.627,37	12.758,87	152.711,95
+ ataatsimiititalianut siulittaasut § 7 - § 5-ip affai	6.313,68	6.379,44	76.355,98
Borgmesterip tullersortiata aappaa (KB-mi ilaasortatut akissarsiat naliginnaasut)	12.627,37	12.758,87	152.711,95
Kommunalbestyrelsimut ilaasortaq aqqaneq-marluk	151.528,42	153.106,46	1.832.543,40
Ataatsimiititaliat siulittaasui tallimat (- ØU) § 7 - § 2-mi imm. 1-ip affai	31.568,42	31.897,18	381.779,88
Nunaqarfinni aqutsist 16-it § 6 - § 2-mi imm. 1-ip 1/12-ii	101.018,95	102.070,97	1.221.695,60
Nunaqarfinni aqutsisunut siulittaasut sisamat (tapiissutit) § 7 imm. 2 - § 2-mi imm. 1-ip 1/12-ii	25.254,74	25.517,74	305.423,90
	428.067,79	432.525,75	5.176.935,11

Tamatuma kingunerisaanik 2016-imi qinikkat akissarsiasaannut aningaasartuutissat, 2011-mi apriilip aallaqqaataani iluarsiiisutit ilanngullugit, katillugit **5.176.935 koruuniussapput.**

Aningaasaqarnikkut allaffissornikkullu kingunerisinnaasai

2015-imut sanilliullugu, 2016-imi iluarsiiisutissaq akissarsianut 71.911 koruuninik qaffaataassaaq.

Qullersaqarfiup oqaaseqaatai

Annerusumik oqaaseqaatissaqanngilaq

Allaffeqarfiup naliliinera

Allaffeqarfiup nalilerpaa, ataani innersuussutigineqartoq aallaavigalugu Aningaasaqarnermut ataatsimiititaliaq Kommunalbestyrelsilu aalajangiisinnaasut.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut innersuussutigaa, Aningaasaqarnermut ataatsimiititaliap kommunalbestyrelsimut akuereqqullugu innersuussutigissagaa,

-Kommunalbestyrelsimut nunaqarfinnilu aqutsisunut ilaasortanut, eqitsit 1 naapertorlugu qaqugukkulluunniit qaffasinnerpaamik akissarsiassaasut naapertorlugit akissarsiaqartitsisoqartassasooq

Aningaasaqarnermut ataatsimiititaliap suliamik suliarinninenra

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigaa akuereqqullugu,

-Kommunalbestyrelsimut nunaqarfinnilu aqutsisunut ilaasortanut, eqitsit 1 naapertorlugu qaqugukkulluunniit qaffasinnerpaamik akissarsiassaasut naapertorlugit akissarsiaqartitsisoqartassasooq

Aalajangiineq

Ilanngussaq

Ilanngussaqanngilaq

**Imm. 05 Maniitsumi Efterskolimut attartornermut isumaqatigiissummut isertitanut
konto nutaaq**

Journalnr. 52.01.04

Tunuliaqutaq

Maniitsumi Efterskolip suliffeqarfimmut namminersortumut isumaqatigiissutiminik atorunnaarsitsivoq, 2015-iimi juunip naanerata tungaanut illoqarfimmi suliffeqarfiup illuutaani atuartitsinissamut efterskoli isumaqatigiissuteqarnikuulluni. Efterskoli, Ilinniartitaanermut Naalakkersuisoqarfik kiisalu Ilinniartitaanermut immikkoortortaq akunnerminni, efterskolip atuartitsivissanik pisariaqartitsinera pillugu arlaleriarlutik ataatsimeereerput.

Maleruagassatigut tunngavissaq

Nipilersornermi Ilinniarfik kiisalu Inuusuttut ornittagaat Ilinniartitaanermut, Kulturimut Sunngiffimmullu ataatsimiititaliap ataani inissisimapput. Qeqqata Kommuniani isertitat Aningaasaqarnermut ataatsimiititaliamit akisussaaffigineqarput.

Pissutsit atuuttut

2015-imi septembarip aqqarngani Maniitsumi Efterskoli kiisalu Qeqqata Kommunian, Ilinniartitaanermut immikkoortortaq attartornissamut isumaqatigiissuteqarput, taamaalilluni efterskoli inuusuttut ornittagaani nutaajusumi inersuarmik, Nipilersornermut Ilinniarfimmi inimik kiisalu Piareersarfimmi atuartitsivimmik attartorsinnaalerluni. Isumaqatigiissummi allassimavoq, ininik attartorneq qaammammut 25.000 koruunimik akiliisoqartassasoq.

Septembarimi Efterskolip nalinginnaasumik atuartitsinera suli aallartinngilaq, atuartut imminnut ilikkarnissaannut paasititsiniaanerit ingerlanneqarnerat patsisaalluni. Taamaalilluni inuusuttut ornittagaanni inimik attartorneq suli aallartinneqarani.

Nipilersornermut Ilinniarfik Teknikkimut Avatangiisinullu immikkoortortamit, Ilinniartitaanermut immikkoortortamut suli tunniunneqanngilaq. Tunniussivissat ulluliussa arlaleriarluni kinguartinneqartarpoq, maannakkullu oktobarip aallartinnerani tunniunneqarnissaa pilersaarutaavoq. Ammaanersiornissamut ulluliinissaq suli nalornissutigineqarpoq, atortuutissat pequtissallu qaqugu tiguneqarnissaat piareerneqarnissaallu suli nalornissutigineqarmat.

Septembarimi attartortitsinermut isertitassaqaanngilaq. Oktobarimi qaammatip affaanut akiliuteqartoqarsinnaanissaa kiisalu novembarimi decembarimilu qaammat tamaat akiliuteqartoqarsinnaanissaa naatsorsuutigineqarsinnaavoq.

Atuilluatuunissakkut kingunerisinnaasai

Ilinniartitaanermut immikkoortortaq Maniitsumi Efterskoli suleqatigalugu, suliffeqarfimmut Namminersorlutik Oqartussanit pigineqartumut, Qeqqata Kommunianut suliffinnik akileraarutinik isertitassanik pilersitsisumut, pitsaasumik suleqatigiinnissamik pingaartitsinissamik isumaqatigiissuteqarpoq. Efterskolimi pisortaqa aamma Ilinniartitaanermut immikkoortortami pisortat qaammammut ataatsimiittarnerinut aalajangersimasumik peqataasassaaq, sutigut tamatigut ataatsimiissutissaqarlunilu suleqatigiissutissaqarmat.

Aningaasaqarnikkut allaffissornikkullu kingunerisinnaasai

Attartortitsinermit isumaqatigiissut qaammammut 25.000 koruuninik isertitaqarnermik kinguneqassaaq, tamannalu 2016-imi juunip 30-ata tungaanut ingerlassalluni kiisalu sivitsorneqarnissamik periarfissaqassalluni. Efterskolip allilerneqarnissaanut pilersaarusionerq aatsaat aallartinneqarnialermat, isumaqatigiissutip sivitsorneqarnissaa ilimanaateqarpoq, tamatuma kinguneranik efterskolip allilerneqarnerata naammassineqarnissaata tungaanut, efterskolimi atuartitsinissamut atuartitsivissanik pisariaqartitsisoqassaaq.

Allaffeqarfiup naliliinera

2015-imi qaammatit pingajuat avillugu attartortitsinermit isertitassat, inuusuttut ornittagaanut nipilersornermullu ilinniarfimmumut nakkartinneqartarnissaat, allaffeqarfimmit innersuussutigineqarpoq. Inuusuttut ornittagaat nipilersornermullu ilinniarfik nutaarluinnaapput, taamaalillutillu atortunut pisiniarnissamik sulii amigaateqarlutik.

Allaffeqarfiup innersuussutaa

Allaffeqarfiup Ilinniartitaanermit, Kulturimut Sunngiffimmullu ataatsimiititaliamut innersuussutigivai,

-Inuusuttut ornittagaannut nutaamut isertitanut kontomik ”Attartortitsinermi isertitat”-tut taallugu kontonr 53-03-22-71-00-**imik** kiisalu nipilersornermit ilinniarfimmumut nutaamut isertitanut kontomik ”Attartortitsinermi isertitat”-tut taallugu kontonr 53-01-25-71-00-**imik pilersitsisoqassasoq**

-2015-imi maanna isertitat nipilersornermit ilinniarfiup ataani konto 53-01-25-20-00 ”Atortunik pequtinillu pisineq”-mut kiisalu inuusuttut ornittagaasa ataani konto 53-03-20-20-00 ” Atortunik pequtinillu pisineq”-mut ikineqassasut

Ilinniartitaanermit, Kulturimut Sunngiffimmullu ataatsimiititaliap suliamik suliarinninnera
Ataatsimiititaliap novembarip 9-ani 2015 ataatsimiinnermini innersuussut akuersissutigivaa.

Ilinniartitaanermit, Kulturimut Sunngiffimmullu ataatsimiititaliap innersuussutaa

Ilinniartitaanermit, Kulturimut Sunngiffimmullu ataatsimiititaliap Aningaasaqarnermit ataatsimiititaliamut innersuussutigivai akereqqullugu,

-allaffeqarfiup innersuussutaa akuersissitigeqqullugu.

Aningaasaqarnermit ataatsimiititaliap suliamik suliarinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermit ataatsimiititaliap kommunalbesturelsimut akuersissutigeqqullugit innersuussutigivai,

-Inuusuttut ornittagaannut nutaamut isertitanut kontomik ”Attartortitsinermi isertitat”-tut taallugu kontonr 53-03-22-71-00-**imik** kiisalu nipilersornermit ilinniarfimmumut nutaamut isertitanut kontomik ”Attartortitsinermi isertitat”-tut taallugu kontonr 53-01-25-71-00-**imik pilersitsisoqassasoq**

-2015-imi maanna isertitat nipilersornermit ilinniarfiup ataani konto 53-01-25-20-00 ”Atortunik pequtinillu pisineq”-mut kiisalu inuusuttut ornittagaasa ataani konto 53-03-20-20-00 ” Atortunik

pequtinillu pisineq"-mut ikineqassasut

Aalajangiineq

Ilanngussaq

1. Maniitsumi Efterskolip Qeqqata Kommuniatalu akunnerminni attartortitsinermut isumaqatigiissutaat

Imm. 06 Kangerlussuarmi biilinit misileraavik

Journalnr. 66.15

Tunuliaqutaq

Sverige-mi suliffeqarfimmit ATM-imit (Arjeplog Test Management) Qeqqata Kommunia 2013-imi novembarip qaammataani pulaarteqarpoq. Biilit nutaat sanaartorneqannginnerini misiligarneqarnissaannut periarfissiinernik atugassaqtillugit, ATM-ip biilinit tuniniaasartut kiffartuutarpaat. Issittumi Sverige-p Avannaani Kina-llu Avannaani ATM biilinit misileraavinnik ingerlatsivoq.

Maannakkut Sverige-p avannaani Kina-llu Avannaani misileraaviit piffissami aalajangersimasumi misileraavineqartarnerinut sanilliullugu sivisunerusumik misileraaviusinnaasumik nutaamik pilersitsinissaminut periarfissanik ATM ujartuivoq. Kangerlussuaq periarfissat arlallit ilagivaat, 2014-imi februaarip qaammataani ATM-ip nalunaarutigaa, misissuinerikkut paasisimallugu Kangerlussuaq periarfissaginnerpaajusoq.

2014-imi oktobarip qaammataani BMW Kangerlussuarmi aningaasaliillunilu biilinit misileraavoq, ajoraluarmillu oktobarimi issikippallaarsimavoq, taamaattumillu BMW Kangerlussuarmi misileraanissaminut tunuarsimaarallalersimalluni. Biiliorfiit allat soqutiginarsaaffiginiarlugit ATM, Namminersorlutik Oqartussat Kommunilu, 2015-imi Kangerlussuarmi sapaatip akunnera 46-mi biiliorfartunut paasisitsiniaanissaminik aqqissuippat, tassanilu novembarimi-decembarimi aamma apriliimi-maajimi misileraasarnissaq aallaavineqarlutik.

Maleruagassatigut tungavissat

Pilersarusiornermi inatsit aamma avatangiisit pillugit inatsit.

Pissutsit atuuttut

Sverigimi suliffeqarfik Tjintok-i VW-mut sullissinerani, 1999-imit 2004 tikillugu Kangerlussuaq misileraaviuvoq. Kangerlussuarmut sermersuup tungaanut aqqusinniortoqarnerani, sermersuarmilu illumut 120 kilometerinik ungasitsigisumi misileraavissamik pilersitsisoqarnerani, misileraanerit Kangerlussuup eqqaani tatsini ingerlanneqaqqaarsimapput.

Tjintok VW-lu Kangerlussuarmiikkunnaarmata, sermersuup tungaanut aqqusineq taamani Sisimiut Kommunerisimasaata tiguaa, taamaalilluni takornarissat, ilisimatuut Kangerlussuarmiullu ilaatigut Sermersuaq tikivillugu misigisassarsiorsinnaalersinneqarlutik. Aqqusineq 35 kilometerinik takitigisoq piffissap ingerlanerani aqqutikkuminaalligaluttuinnarpoq.

Kangerlussuarmi eqqaanilu atugassarititaasut atornissaannut ATM periarfissatut isigisai:

1. Mittarfiup piusup kujataatungaani Mittarfeqarfiit nunaminertaataanni
2. Akuliarusiarsuup kuuani sioqqani kuullu eqqaani
3. Kangerlussuup eqqaani taseq ataaseq arlallilluunniit (ilaatigut Kellyville-mi Lake Helen aamma Russels gletsjer-imi/assiaqutip nalaani Lake Tasia/Anguitsup/Langsøen)
4. Kangerlussuup eqqaani aqquserngit/ingerlavissiat piusut, pingaartumik Sermersuup tungaanut aqqusineq

Aputiliut atorlugu mittarfiup eqqaani nunaminertani Akuliarusiarsuup kuanilu aputinit sermimik misileraavissamik pilersitsinissaminik ATM kissaateqarpoq.

Siunissami misileraaviugallartut ataavartunngortinneqassapput. Kangerlussuarmi mittarfiup kujataatungaani nunaminertamik atuineq, mittarfiup avannaatungaani nunaminertamut taarsiunneqassaaq. Tamanna kommunalbestyrelsip 2015-ip upernaani, kommunip pilersaarusiortfigineqarneranut tapiliussap nr. 17-ip akuersissutigineratigut akuerinikuuaa. Tassani misileraavinnik assigiinngitsunik, sannavimmik, allaffeqarfinnik, qerititsivinnik containeriusunik il.il. periarfissaqartitsisumik misileraavissuarmik pilersitsisoqassaaq.

Akuliarusiarsuup kuuani aamma Lake Helen-imi 2015-imi oktobarimi-novembarimi ATM misileraanissaminik kiisalu Sermersuup tungaanut aqquuserngup pitsanngorsaavigineqarnissaanut piareersaasioreerput, taamaalilluni Kangerlussuarmi biilnik misileraanissamut periarfissanik piviusorsiorpalaartunik biililiortarfiit sapaatip akunnera 46-mi takunnissinnaaniassammata.

Atuilluatuunissakkut kingunerisinnaasai

Biilit issittumi misilerarneqartarnerisigut biilit ingerlatsinikkut isumannaannerunissaat, nunarsuarmilu angallassissutigineqarnerini aqqusinerni angallannermi annerusumik isumannaallisagaanissaat anguniarlugu misileraasoqartarnissaa kissaatigineqarpoq. Biilit ikummatissanik aammali innaallagissamik ingerlatillit misiligarneqassasut naatsorsuutigineqarpoq.

Biilnik misileraavik Kangerlussuarmi suliffinnik nutaanik pilersitsissaaq. Siunissaq ungasinnerusooq eqqarsaatigalugu qaammatini sisamani 200-t tikillugit sulisorineqartassapput, soorlutaaq Kangerlussuarmi allatigut suliaaqaqartitsissasooq. Biilnik misileraavik ukiup qanoq ilinerani suliaasanut nalimmassaataassaaq, taamaalillunilu ukioq naallugu annerusumik suliaaqaqartitsinissamut tapertaassalluni, matumanilu suliffeqarfiit piusut, matumani unnuisarfiit, mittarfik, assassortut il.il. imminut akilersinnaanerusumik ingerlalissallutik. Biilnik misileraavik novembarimi-decembarimi aamma apriilimi-maajimi tungaanut biilnik misileraasarnissaa naatsorsuutigineqarpoq, illuatungaaticullu takornarissat ilisimatuullu aasaanerani tikerarnerusarlutik, aammali upernaakkut takornarissat tikerarluartarput.

Nipitigut annertuumik sunniuteqarnissaa naatsorsuutigineqarsinnaavoq. Kangerlussuup illoqarfittaani timmisartut nipiinut sungiussisimaneq patsisaalluni, biilnik misileraavik immaqa malugineqarnaviannngilaq. Kangerlussuup avataani nipi aqqusinermi misileraavinnilu killeqalissaaq. Aqqusinernik atuisunut allanut nunaannarmut appakaattartunut sanilliullugu (piniartut, ilisimatuut, pisullutik takornarissat), biilnik misileraaneq assinganik angallannerulernissamik kinguneqartitsissannngilaq.

ATM nunat tamalaat akornanni suliffeqarfiulluni ISO-mik allagartaqarpoq, taamaattumillu pinngortitap avatangiisillu illersorneqarnissaannut kiisalu ajutoortoqassagaluarpat takujuminarsaanissamut sakkortuunik malittarisassanik malitassaqarluni. Taamaattumik massakkut angallannermut sanilliullugu silaannarmut mingutsitsinissaa annikinnerussalluni. Tatsini misileraaviit soorunalimi ukiut tamaasa tatsit aannerisigut tammakartassapput, soorlutaaq Akuliarusiarsuup kuuani taamatulli pisoqarnissaa naatsorsuutigineqartoq. Matumani ukiut tamaasa upernaakkut aasakkullu immap sioqqallu misileraavik suujunnaarsikkiartortassavaat, misileraavillu septembarimi-oktobarimi nutaamik suliarineqartarluni.

Aningaasaqarnikkut allaffissornikkullu kingunerisinnaasai

Misileraavik Kangerlussuarmut assigiinngitsutigut aningaasatigut annertuumik iluaqutsiissasooq naatsorsuutigineqarpoq:

- Nunaqarfimmiut ataavartumik suliffillit amerlissapput, soorlutaaq piffissap ilaani

avataaniit suliarortoqartassaaq, taamaalillunilu akileraarutigut isertitassat annerulissallutik.

- Aqquserngit annerusumik aserfallatsaalineqalissapput, taamaalillunilu takornarialerisut aamma pitsaanagerusumik kiffartuunneqalissallutik.
- Unnuisarfinni kaaviiartitat annerulissapput

Tamatuma kingunerisaanik sulialinnut tamanut, pingaartumik takornarialerisunut iluaqutaasussanngorluni aqqusineq annerulersinneqarsinnaassaaq, nutarterneqarsinnaassaaq, angallannerlu pitsaanagerulersinneqarluni. Kiisalu nunat tamalaat akornanni biilileriffiup Kangerlussuarmiilerneratigut, nunat tamalaat akornanni suliffeqarfissuit allat Kangerlussuarmi aningaasaliinissamut periarfissarpassuarnik takunnilersinnaapput.

2015-imi novembarip qaammataani biililiortarfinnut paasisitsiniaanissami aningaasartuutissat, ATM-ip, Namminersorlutik Oqartussat Kommunnillu avippaat. Kommunip 200.000 koruunit tungaannut aningaasartuuteqassasoq naatsorsuutigineqarpoq, taakkulu inuutissarsiutinik ineriartortitsinissamut konto 37-mit matussuserneqassallutik.

Allaffeqarfiup naliliinera

Allaffeqarfiup nalilerpaa, pilersaarut pineqartoq Kangerlussuarmut kivitseqataassasoq, soorluttaaq Kangerlussuup mittarfiullu ineriartortinneqarnissaannut qulakkeerinneqataassasoq. Tamatuma kingunerisaanik saqqummiinerup iluatsilluarnissaa, siunissamilu ataavartumik misileraaviunissaa qulakkeerniarlugu immikkut suliniartoqassaaq.

Allaffeqarfiup nalilerpaa, Kangerlussuarmi biiliniq misileraavissamik pilersitsinissami, biilit misileragassat Europamit (allaniilluunniit) Kangerlussuarmut assartornissaat unammillernartut annersarissagaat. Sverigep Avannaani biiliniq misileraasoqassatillugu, biilit biiliniq assartorneqarsinnaasarpur, Kangerlussuarmili misilerarneqassagunik timmisartumik assartorneqartariaqartassallutik, tamanna akikitsuinnaassanani.

Allaffeqarfiup innersuussutaa

Allaffeqarfiup innersuussutigaa, Aatsitassanut Attaveqaqatigiinnermullu ataatsimiititaliap aamma Aningaasaqarnermut ataatsimiititaliap paasissutissiissut tusaatissatut tigussagaat.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbesturelsimut akuersissutigeqqullugit innersuussutigivai,

-paasissutissiissut tusaatissatut tiguneqassasoq

Aalajangineq

Ilanngussat

Soqanngilaq

Imm. 07 Kangerlussuarmi mittarfik

Journalnr. 24.10

Tunuliaqutaq

2015-imi ukiup affaata aappaani Naalakkersuisut Mittarfeqarfiillu, Kangerlussuarmi mittarfik pillugu assigiinngitsunik paasissutissartalinnik arlalinnik allakkiaqarlutillu allakkiornikuupput.

Maleruagassatigut tunngavissat

Namminersorlutik Oqartussat mittarfinnut, allatigullu attaveqaqatigiinnernut akisussaasuupput, aaqqissuusseqqinnissatigullu attaveqaqatigiinnermut tunngasuni kommunit annerusumik akisussaaffilerniarneqarlutik.

Qeqqata Kommuniata pilersaarusionermi periusissiamigut nalunaarutiginiuuuaa, angallannermi attaveqaqatigiinnermut akisussaaffik tigorussullugu, Sisimiunilu kommunip umiarsualiviata 2012-2013-imi sanaartorneqarneratigut, 2016-2017-imilu nunaannarmi ATV-nut aqqusiortitsinissaminik pilersaaruteqarnermigut angallannermi attaveqaqatigiinnermilu akisussaaffik tigullugu.

Pissutsit atuuttut

Amerikarmiut mittarfiit qimammatigut, Kangerlussuarmi Kulusummilu mittarfiit Namminersornerullutik Oqartussat 1991-1992-imi tiguaat. Ilutigalugu 1991-imi aningaasat nalingi naapertorlugit ataatsimoortumik aningaasartuutit ukiumut 78,8 mio. koruuniusut, taakkunanga 64,4 mio. koruunit Kangerlussuarmik ingerlatsinermit atugassaasut Namminersornerullutik Oqartussat, ataatsimoortumik tapiissutit pissarsiarisartakkami 75 procentii qaavatigut pissarsiarisalerpaat. Taamaalilluni 1992-imi aningaasat nalingi naapertorlugit Namminersornerullutik Oqartussat/Namminersorlutik Oqartussat ukiumut 50 mio. koruunit missaat pissarsiarisarpaat. 1992-imi aningaasat nalingi naapertorlugit ukiut 23-t sinnerlugit qaangiuteriillartullu 1.150 mio. koruuninngorput, ullutsinnilu aningaasat nalingi aallaavigalugit annertunerujussuullutik.

Namminersornerullutik Oqartussat Kangerlussuarmik tigusimmata, Kangerlussuaq kommunip akisussaaffiisa avataaniippoq, aatsaallu 2002-mi Sisimiut Kommunerisimasaanit tiguneqarluni.

Malitsigisaanik angallanneq pillugu nalunaarusiani assigisaannilu, Kangerlussuup nutartertariaqalenera erseqqissaatigineqartarpoq. Kingullermik Assartuussineq pillugu isumalioqatigiissitaq nalilersuigami, Mittarfiup 2011-mit 2014 tikillugu nutarterneqarnissaanut pisariaqartitsinermi aningaasartuutissat 150 mio. koruuninik naleqassasoq naatsorsorpaa. Mittarfik nutarterneqanngilaq.

Naalakkersuisoq Knud Kristiansen-ip 2015-imi juulip 28-ani allakkatigut borgmesterimut erseqqissaatigaa, Kangerlussuarmi Mittarfiup nutarternissaa 725 mio. koruuninik naleqassasoq, taakkunanga 250 mio. koruunit mittarfimmut, 280 mio. koruunit illuutinut, 195 mio. koruunillu pilersuinermit atorneqassallutik.

Naalakkersuisoq Knud Kristiansen-ip 2015-imi aggustip 6-iani allakkatigut borgmesterimut erseqqissaatigaa, mittarfiup nutarterneqarnissaanut missiliuut 500 mio. koruunit tungaanoortoq.

Jens-Erik Kirkegaard-ip § 37 aqutigalugu apeqquteqaataanut tunngatillugu Naalakkersuisoq Knud

Kristiansen-ip 2015-imi aggustip 28-ani akissuteqarnermigut nalunaarutigaa, Kangerlussuarmi Mittarfiup nutarterneqarnissaanut aningaasartutit tamakkiisut 2 mia. koruunit angusinnaagaat.

Naalakkersuisoq Knud Kristiansen-ip borgmesteri 2015-imi oktobarip 7-iani ataatsimeeqatigigamiuk, Mittarfeqarfiit 2015-imi aggustip 28-ani allakkjarisimasaat borgmesterimut tunniuppai, tassanilu allassimalluni Kangerlussuarmi Mittarfiup nutarternissaa 1.964 mio. koruuninik naleqassasoq, taakkunanga 1.529 mio. koruunit mittarfimmumut saavanullu il.il., 281 mio. koruunit illuutitut, 136 mio. koruunit pilersuinerimut, 19 mio. koruunillu orsersortarfimmumut atorneqassallutik.

Ilutigalugu allakkiami atuarneqarsinnaavoq, iluatsillugu mittarfik naalineqarlunilu amilineqarsinnaasoq. Ataatsimiinnermi, malitsigisaanillu tusagassiutitigut nalunaarutitigut Naalakkersuisup 1799 meterinut naalisitsinissaq eqqaavaa.

Qeqqata Kommuniata ARTEK/DTU-mi ilisimatut oktobarip qaammataani oqaloqatigai, taakkulu Mittarfeqarfiit allakkiaatigut paasissutissiisutiginetartut ilisarisinnaanngilaat. Amerikarmiut allattugaataanni paasissutissat naapertorlugit kiisalu namminneq 2000-ip kingorna uuttuinnermini kisitsisaatit naapertorlugit ARTEK/DTU atorussiorsimavoq. ARTEK/DTU-p suliaat, oktobarip naanerani Mittarfeqarfiit-nut nassiuunneqarsimapput.

Kommunalbestyrelsimut ilaasortaallunilu Inatsisartunut ilaasortap Agathe Fontain-ip § 37 aqutigalugu Naalakkersuisunut apequteqaateqarpoq, 2015-imilu novembarip pingajuani akissuteqaatiginetartumi atuarneqarsinnaavoq

1. nutarterneqarnissaanut 2 mia. koruunit atorfissaqartinnetartut pillugit Mittarfeqarfiit allakkioramik ingeniørimik siunnersorteqarsimanngitsut, soorluttaaq allatigut pitsaassutsikkut qulakkeerneqarsimanngitsoq
2. Inatsisartut 2015-imi novembarip 12-iani angallannermi attaveqaatigiinneq pillugu eqqartorneqartinnagu, timmisartuussineq pillugu pilersaarut aamma umiarsualiviit pillugit pilersaarut Inatsisartunit eqqartorneqassanngitsoq

Naalakkersuisoq Knud Kristiansen 2015-imi novembarip 10-ani tusagassiortunik katersuutsisnermini, mittarfik pillugu nutaamik pilersaarut saqqummiuppaa, tassanilu Ittoqqortormiit-ni, Tasiilaq-mi Qaqortoq-milu nutaanik mittarfiliornissaq kiisalu Nuuk-mi Ilulissat-nilu mittarfiit tallineqarnissaat pineqarlutik. Ilutigalugu erseqqissaatiginetartup, mittarfiit siunissami ataqatigiilernissaannut Kangerlussuaq akuusoq, Kangerlussuullu tamakkiisumik ineriartortinneqarsinnaanera, matumani nutaamik umiarsualiviliortoqarnissaa atorluarneqassasoq. Taamaakkaluartoq nutarterneqarnissaanut aningaasartuutissatut 1,9 mia. koruunit suli eqqartorneqarput, 2560 meterinullu naalisinneqarnissaa piviusunngorsinnaaniassamat, 250 meterit kingullit ajornartorsiutitut massakkut eqqartorneqarlutik.

Inatsisartut Sanaartornermut ataatsimiititaliaa 2015-imi novembarip 16-iani Kangerlussuarmut tikeraarniarpoq, tassanilu Kangerlussuaq pingaartillugu mittarfeqarfiit timmisartuussisarnerillu pillugit Air Greenland-ip, Mittarfeqarfiit, ARTEK/DTU-p Qeqqata Kommuniatalu ataatsimiititaliamut paasissutissiisutigissallugit. Tamanna iluatsillugu Qeqqata Kommunia novembarip 16-iani unnukkat Kangerlussuarmi innuttaasunik ataatsimiisitsissaaq.

Atuilluartuunissakkut kingunerisinnaasai

Siunissami ungasippallaanngitsumi milliarderpaalunnik nalilimmik mittarfinnik nutaanik pingasunik, mittarfinnillu marlunnik talliliinissaq aningaasaqarnikkut atuilluartuuneruvallaanngilaq.

Atugassarititaasut piusut atorneqarunik, periarfissallu atorluarneqarunik atuilluartuunerussaaq.

Aningaasaqarnikkut allaffissornikkullu kingunerisinnaasai

Allaffeqarfik isumaqarpoq, Naalakkersuisut Mittarfeqarfiillu aningaasaqarnikkut naatsorsuisimaneri eqqortuusut, taamaakkaluartorli 2 mia. koruuninit appasinnerujussuussasut. Kangerlussuarmi Mittarfiup nutarterneqarnissaanut pisariaqartitsineq pillugu arlaannaannulluunniit attuumassuteqanngitsunik nalunaarusiortitsisoqartariaqarpoq/atortussiortitsisoqartariaqarpoq.

Allaffeqarfiup naliliinera

Allaffeqarfiup nalilerpaa, nutarterinissamut 2 mia. koruunit tungaannut aningaasartuutigineqarnissaat pillugu Mittarfeqarfiit allakkiaat, allakkiamillu taassuminnga Naalakkersuisup aallaaveqarniarnera ajornartorsiutaasorujussuusoq. Aningaasaqarnikkut nunatsinnut taamak unammillernartigisussamik allakkiaq imalik, ilisimatuunit siunnersortaallutillu ingeniørselskabinit taparserneqarlunilu pitsaassutsikkut qulakkeerneqarsimasussaagaluartoq.

Allaffeqarfiup nalilerpaa, Kangerlussuarmi Mittarfimmik akisussaasut Nuummiinnerat, Kangerlussuarmilu Mittarfik pillugu naammattumik paasisimasaqannginnerat, pissutsillu iluamik misissornagit nutarterneqarnissaata pisariaqassusaanik annertoorujussuannortitsiniarpasinnerat ajornartorsiutaasoq.

Allaffeqarfiup nalilerpaa, allanngorartumik paatsuunganartumillu avammut saqqummiunneqartartut aningaasaliisussanut qunusaareqataasut. Pingaartumik soorunamili Kangerlussuaq, aammali nunap sinnera eqqarsaatigalugu, mittarfinnummi tunngatillugu Namminersorlutik Oqartussani politikerit oqallittarneri allanngorarput, aningaasaqarnikkullu piviusorsiorpalaanngitsumik pilersaaruteqarlutik.

Ilutigalugu allaffeqarfiup nalilerpaa, mittarfiup aserfallatsaalineqartarneranut tunngatillugu Namminersorlutik Oqartussat Mittarfeqarfiit-llu kisimik suliaqaratik allat aamma akuutinneqartariaqartut, uanimi aserfallatsaalineqarnissaanut massakut taamak annertutigisumik aningaasartuuteqartussanngorneq akisussaaffimmik sumiginnaanerummat. Mittarfimmi pissutsit atuutsiinneqarnissaanni, sutigut qanorlu aserfallatsaaliisoqartariaqarnerisooq Namminersorlutik Oqartussat Mittarfeqarfiillu nalornissuteqarnerat ersarippoq.

Allaffeqarfiup innersuussutaa

Allaffeqarfiup innersuussutigaa, Aatsitassanut Attaveqaqatigiinnermullu ataatsimiititaliap, Aningaasaqarnermut ataatsimiititaliap Kommunalbestyrelsillu paasisutissiissut tusaatissatut tigussagaat.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbesturelsimut akuersissutigeqqullugit innersuussutigivai,

-paasisutissiissut tusaatissatut tiguneqassasoq

Aalajangiineq

Ilanngussat

1. Lov om tilskud til Grønlands hjemmestyre af 14. maj 1991 (qallunaatuinnaq)
2. Naalakkersuisup borgmesterimut allagai 2015-imi juulip 28-aneersut, Mittarfeqarfiit 2015-imi maajip 19-iani allakkiaat ilanngullugu
3. Naalakkersuisup borgmesterimut allagai 2015-imi aggustip 6-ianeersut
4. Borgmesterip ammasumik allagai 2015-imi septembarip 30-aneersut
5. Kangerlussuarmi aningaasaliinissamik pisariaqartitsineq pillugu Mittarfeqarfiit allakkiaat 2015-imi aggustip 28-aneersoq (qallunaatuinnaq)
6. Agathe Fontain-ip § 37 aqutigalugu apeqqutaanut Naalakkersuisoq Knud Kristiansen-ip 2015-imi novembarip pingajuani akissuteqaataa
7. ”Attaveqaqatigiinnerup nunarput ataqatigiississavaa” pillugu Naalakkersuisup 2015-imi novembarip qulingani saqqummiinera.

Imm. 08 Kommunip pilersaarusionerfigineqarneranut tapiliussassat pillugit oqaluuserisassanik nassiussisarneq kiisalu tusarniaasarnerni suleriaasissaq

Journal nr. 01.00.03

Tunuliaqutaq

Kommunip pilersaarusionerfigineqarneranut tapiliussassat kommunalbestyrelsimit akuersissutigineqartussat piffissaqarluarluni atuarsinnaaneqarnissaat pillugu kommunalbestyrelsimut ilaasortaq Malene Ingemann siunnersuuteqarpoq. Kommunalbestyrelsip 2015-imi septembarip 24-ani ataatsimiinnerani siunnersuut eqqartorneqarpoq, aningaasaqarnermut ataatsimiititaliamiillu eqqartugassanngorlugu ingerlateqqinneqarluni.

Qeqqata Kommuniata tusarniaasarnerni ataatillugu suleriaasiliornissaa pillugu kommunalbestyrelsimut ilaasortaq Agathe Fontain, 2015-imi oktobarip 26-ani maileruteqarluni oqaluuserisassatut siunnersuuteqarpoq.

Maleruagassatigut tunngavissat

Kommunit aquneqarnerat pillugu Inatsisartut inatsisaat nr. 22, 18. november 2010-meersoq (aqutsinermut inatsit)

”§ 1. Kommunip susassaqrifiini kommunalbestyrelsi aqutsisuuvoq.

Imm. 3. Kommunilbestyrelsip suleriaasissani nammineq aalajangersassavaa.

§ 8. Imm. 4. Borgmesterip sapinngisamik kingusinnerpaamik kommunalbestyrelsip ataatsimiilernissaa ulluinnarnik sisamanik sioqqullugu ullormut oqaluuserisassat allassimaffiat kommunalbestyrelsimi ilaasortanut nassiuttassavaa, kiisalu sapinngisamik kingusinnerpaamik ataatsimiinnissaq ullunik pingasunik sioqqullugu suliat paasissutissallu ullormut oqaluuserisassani suliaassat nalilernissaannut atorneqartussat nassiunneqassapput...”

Kommunalbestyrelsip suleriaasissaa, 2008-mi decembarip 19-iani ikaarsaariarnermi ataatsimiititaliamit akuersissutigineqartoq.

”§ 3. Kommunilbestyrelsimut apeqquteqaatit allakkatigut saqqummiunneqartassapput. Ilaasortaq ileqquusumik ataatsimiinnissaq kingusinnerpaamik ullunik 21-inik sioqqullugu allakkatigut suliamik oqaluuserinnequlluni qinnuteqarsimappat, suliaassaq oqaluuserineqassasoq taanna siullermik ataatsimiinnissami oqaluuserisassanut siulittaasumit ilanngunneqassaaq.

Imm. 2. Borgmesterip isumagissavaa ileqquusumik ataatsimiinnissaq kingusinnerpaamik ullunik 7-inik sioqqullugu oqaluuserisassanut takussutissiaq Kommunilbestyrelsimi ilaasortanut tamanut nassiunneqarnissaa.

Pilersaarusioner aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

”§ 23. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunilbestyrelsi siunnersuutininik arlalinnik qinigassiilluni tamanut saqqummiussisinnaavoq.

Imm. 2. Kommunilbestyrelsimi ikinnerussuteqartut kikkulluunniit kommunimut pilersaarutissatut siunnersuummut akuerineqartumut allatut isumaqarnertik kommunalbestyrelsip aalajangiinerinik allattuiffimmuut ilannguteqqullugu piunasaqarsinnaavoq. Saqqummiussine-rup peqatigisaanik ikinnerussuteqartut pineqartut allatut isumaqarnerat, ikinnerussuteqartut tamatumunnga

tunnjavilersuutitut naatsumik allassimasaat ilanngullugu, kommunalbestyrelsip saqqummiutissagaa ikinnerussuteqartut piumasarisinnaavaat.

Imm. 3. Kommunimut pilersaarutissatut siunnersuut, imm. 2 naapertorlugu ikinnerussuteqartut allatut isumaqarnerannik ilanngussartaqartoq, innuttaasunut tikikkuminartumut inissil-lugu, minnerpaamik sapaatit akunnerini 8-ni kikkunnut tamanut takusassiarineqassaaq. Tamanut saqqummiussinermi kommunimi saqqummiussisoqartillugu nalinginnaasumik peri-aasiusartut atorineqassapput. Kommunimut pilersaarutissatut siunnersuut kommunip nittarta-gaani imaluunniit qarasaasiaq atorlugu, nunami sumiiffinnut tamanut paasissutissanik katersu-iffimmi takuneqarsinnaassaaq.

Imm. 4. Tamanut saqqummiussinermi imm. 3 naapertorlugu oqaaseqaateqarnissamut siunnersuummullu allannguutissatut siunnersuuteqarnissamut piffissarititaasoq nalunaarutigineqassaaq.

Imm. 5. Kommunalbestyrelsip kommunimut pilersaarutissatut siunnersuutip siunertai imari-saalu pillugit tamanut ammasumik oqallittoqalernissaa siunertarlugu paasititsiniaaneq inger-latissavaa. Tamanut ammasumik saqqummiussineq kommunimi nalinginnaasumik periaasiusartut malillugit ingerlanneqassaaq.”

Kommuni qanoq tusarniaasassanersoq kommunalbestyrelsip nammineerluni aalajangigassaraa.

Pissutsit atuuttut

Kommunalbestyrelsip suleriaasiani § 3-mi imm. 2 naapertorlugu ileqquusumik ataatsimiinnissaq kingusinnerpaamik ullunik arfineq-marlunnik sioqqullugu oqaluuserisassat nassiunneqartarput, tamannalu aqutsinermut inatsisitigut piumasaqaatigineqartoq naapertorlugu ulluinnarnik marlunnik sivisunerulluni.

Kommunip pilersaarusiortfigineqarnera, tapiliussassanillu pilersarusiortarneq inatsit naapertorlugu suliarineqartarput.

Kommunip pilersaarusiortfigineqarneranut tapiliussassatut siunnersuutissat suliarineqarnissaat sioqqullugu, kommunalbestyrelsimi ilaasortat naapillutik ataatsimiinnerini aallaavittut eqqartugassatut saqqummiunneqartarput. Malitsigisaanik kommunip pilersaarusiortfigineqarneranut tapiliussassat sapaatip akunnerini arfineq-pingasuni tamanut tusarniutigineqarnissaat sioqqullugu, aningaasaqarnermut ataatsimiititaliamit, tassangaanniillu kommunalbestyrelsimit siullermeertumik eqqartorneqartarlutik. Kattuffiit peqatigiiffiillu immikkut nassinneqarneq ajorput, tusarniutillu illoqarfinni aviisitigut, nittartakkakkut allagarsiivikkullu saqqummiunneqartarlutik.

Aningaasaqarnermut ataatsimiititaliaq pilersaarutiniq suliaqartartuummat, taamaalillunilu kommunip pilersaarusiortfigineqarneranut tapiliussassat kommunalbestyrelsimut ingerlateqqinneqarnissaat sioqqullugu sulianik suliarinnittartuummat, kommunip pilersaarusiortfigineqarneranut tapiliussassat kommunalbestyrelsimut ingerlateqqinneqartarneri maannamit siusinnerusumik ingerlateqqinneqarnissaat anguniassagaanni, Aningaasaqarnermut ataatsimiititaliap ataatsimiittarnissaat kommunalbestyrelsip ataatsimiinnissaa sioqqunnerullugu ingerlanneqartalersinnaapput. Massakkut Aningaasaqarnermut ataatsimiititaliaq qaammatip ingerlanerani marlungornerit pingajussaani ataatsimiittarpoq, kommunalbestyrelsilu qaammammi sisamanngorneq kingulleq ataatsimiittarmat, ataatsimiinnissarlu sapaatip akunneranik sioqqullugu oqaluuserisassat nassiunneqartarmata, Aningaasaqarnermut ataatsimiititaliap ataatsimiinneranit ullut marluk qaangiuttullu oqaluuserisassat nassiunneqartarput.

Aningaasaqarnermut ataatsimiititaliaq siusinnerusumik ataatsimiittalersillugu ataatsimiiffissaat nikisinneqarsinnaapput, taamaalilluni kommunalbestyrelsip ataatsimiinnissaanut oqaluuserisassat siusinnerusumik nassiunneqartalerlutik. Kisianni taamatut aaqiisoqassappat, ataatsimiititaliat ataavartut sinnerisa oqaluuserisaasa ilaat Aningaasaqarnermut ataatsimiititaliamut ingerlateqqinneqartarmata, taakku ataatsimiittarfii aamma nikisinneqartariaqarput. Ataatsimut isiginnilluni, ataatsimiititaliat tamarnik maannamut sanilliullugu siusinnerusumik ataatsimiittalissappata, kommunalbestyrelsimut atortussat kingusinaakannerlutik eqqartorneqartaleratarsinnaanerat allannguinnissap navianaatigaa.

Allatut iliorluni aamma kommunip pilersaarusiordfigineqarneranut tapiliussassat Aningaasaqarnermut ataatsimiititaliamut nassiunneqartillugit aamma kommunalbestyrelsimut nassiunneqartalersinnaapput, kisianni taamatut iliortoqartalissappat Aningaasaqarnermut ataatsimiititaliaq pilersaarutinik suliaqartartutut atuutaarutipajaassaaq. Aningaasaqarnermut ataatsimiititaliap kommunip pilersaarusiordfigineqarneranut tapiliussassaq itigartitsissutigalugu allaffeqarfimmut suliaq uterteqqikkuniuk, taava Aningaasaqarnermut ataatsimiititaliap suliaq itigartitsissutiginikummagu, kommunalbestyrelsi ataatsimiinnermini eqqartortariaarutaminik nassinneqarsimassaaq.

Atuilluartaunissakkut kingunerisinnaasai

Kommunip pilersaarusiordfigineqarneranut tapiliussassat eqqarsaatigalugit aalajangersimasumik qulequtaqarluni allaffeqarfiup tungaaninngaanniit kommunalbestyrelsip piareersarneqartarnera, innuttaasunillu ataatsimiisitsisoqartarnera atuilluartauneruvoq, taamaalilluni paasissutissanik pissarsilluarsimaqqaartilluni aalajangiisoqartarluni.

Allaffeqarfiup naliliinera

Massakkut aalajangersimasumik qulequtaqartitsilluni oqallitsitsinikkut innuttaasunillu ataatsimiisitsinikkut sapinngisamik annertuumik paasissutissanik tunioraasarnikkut, oqaluuserisassanik kingusinnerpaamik nassitsisarnissaaq ullunik tallimanik ilaneqarnissaa qulakkeeruminaassaaq. Matumani tusarniuteqarnermi oqaaseqaatit suliamut ilanngussuunnissaat, suliamillu tamakkiisumik nutserisitsinissaaq eqqarsaatigalugit allaffeqarfimmi piffissakillioreermata.

Pilersaarusiorneq pillugu inatsit naapertorlugu kommunalbestyrelsimi ikinnerussuteqartut kikkulluunniit kommunimut pilersaarutissatut siunnersuummut akuerineqartumut allatut isumaqarnertik siunnersuutip nassiunneqarnerani kommunalbestyrelsilluunniit aalajangiinerinik allattuiffimmut ilannguteqqullugu piumasqaarsinnaareermata allaffeqarfiup innersuussutigaa, oqaluuserisassanik nassitsisarneq allanngortinneqarani, Malene Ingemann-ip siunnersuutigisaatut suliamik aalajangiisussanut tamanut allannguutaasut ersarittalerniassammata, kommunip pilersaarusiordfigineqarnera aamma tapiliussassat tamanut tusarniutigineqareernerisa kingorna ilassutit/allannguutit aappalaartumik ersarissartalernissaat allannguutigissagaa. Suliaq akuersissutigineqariapat, allannguutit aappalaartumik qalipaaserneqarsimasut qernertunngortinneqassapput.

Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalernissaanik siunnersuut allaffeqarfiup tapersersorpaa.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut innersuussutigaa akuersissutigeqqullugit:

- Kommunalbestyrelsip oqaluuserisassaasa nassinneqartarnissaanut massakut piffissaliusaaq allanngortinneqassanngitsoq
- Kommunip pilersaarusiordfigineqarnera aamma kommunip pilersaarusiordfigineqarneranut tapiliussassat tusarniutigineqareernerini, inaarutaasumik akuerineqarnissaat pillugu saqqummiunneqaraangata siulianut sanilliullugu allannguutit ersarissarlugit aappalaartumik qalipaaserneqartalissasut. Inaarutaasumik akuersissutigineqaraangata qernertumik qalipaaserneqartassapput.
- Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalissasog.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbesturelsimut akuersissutigeqqullugit innersuussutigivai,

- Kommunalbestyrelsip oqaluuserisassaasa nassinneqartarnissaanut massakut piffissaliusaaq allanngortinneqassanngitsoq
- Kommunip pilersaarusiordfigineqarnera aamma kommunip pilersaarusiordfigineqarneranut tapiliussassat tusarniutigineqareernerini, inaarutaasumik akuerineqarnissaat pillugu saqqummiunneqaraangata siulianut sanilliullugu allannguutit ersarissarlugit aappalaartumik qalipaaserneqartalissasut. Inaarutaasumik akuersissutigineqaraangata qernertumik qalipaaserneqartassapput.
- Siunissami suliamik aalajangiisoqassatillugu innuttaasunut kiisalu kattuffinnut peqatigiiffinnullu eqqugaasussanut/attuumassuteqartunut immikkut tusarniutinik nassitsisoqartalissasog.

Aalajangiineq

Ilanngussat

1. Kommunalbestyrelsip 2015-imi septembarip 24-ani ataatsimiinnerani imaqarniliaq, Malene Ingemann-ip oqaluuserisassanut siunnersuutaa.
2. Kommunalbestyrelsip suleriaasia, 2008-mi decembarip 19-ianeersog
3. Qeqqata Kommuniata tusarniaasarnerninut atatillugu suleriaasiliornissaa pillugu Agathe Fountain-ip 2015-imi oktobarip 26-ani oqaluuserisassatut siunnersuutaa

Imm. 09 Qeqqata Kommunianut tunngatillugu kukknersiuisut nalunaarutaat nr. 19 aamma nr. 20

Journalnr. 06.04.01

Tunuliaqutaq

BDO Kommunit kukknersiuisui 2015-imi septembarip qulingani maileruteqarlutik, nalunaarutit nr. 19 aamma nr. 20 tullinnguuttunut tunngassuteqartut nassiuppaat:

- 2014-imut Namminersorlutik Oqartussanut tunngasut kommunip naatsorsuusiorfigisaasa kukknersiorneri – Ukiumut naatsorsuuseriffiusumut 2014-imut nalunaarusiap ilaa,
- 2014-imut naatsorsuutit kukknersiorneqarneri – 2014-imut naatsorsuutit pillugit inaarutaasumik nalunaarusiaq.

Maleruagassatigut tunngavissat

Aqutsinermut inatsisip § 48-ani imm. 5 naapertorlugu, kukknersiuisut oqaaseqaataannik kommunalbestyrelsi akissuteqartussaavoq, aalajangiisoqaannartorlu akissuteqaatit Nakkutilliisoqarfimmumt nassiuttussaallugit.

Pissutsit atuuttut

Kukknersiuisut nalunaarutaat nr. 19.

Kukknersiuisut inaarutaasumik inerniliinerminni ima allassimapput: Kommunip Namminersorlutik Oqartussanut attuumassuteqartut akilersinniarnerni oqimaaqatigiisissimanerai misissuiffigivarput. Aammattaarlu misissuiffigalutigu, kommunip nalunaarsugai utertitassatullu aalajangersakkanut isumaqatigiisutinullu naapertuunnersut. Taamatuttaarlu misissuiffigivarput, Namminersorlutik Oqartussanut ingerlaavartumik akiligassiisutissat isumannaarneqartarsimanersut, matumani suleriaatsitigut eqqortumik immikkoortitsisarnerit isumannaarneqarsimanersut ilanngullugit

Namminersorlutik Oqartussat susassaqaarfiini kommunip suleriaasii nalinginnaasumik pissusissamisorput tutsuiginartuullutillu. Suliffissaqartitsiniarnermut taamatullu isumaginninnermut tunngasutigut 2014-imi, inunnut tunngasut suliarisarnerinut atatillugu, pisortaasut nakkutilliinissaat naammaginartumik pisortatigoortumik aaqqiivigineqarsimanngilaq.

Namminersorlutik Oqartussanut tunngasut ”2014-imut naatsorsuutit”-nut kiisalu ”2014-imi isumaginninnikkut aningaasartuutit inaarutaasumik naatsorsuusiorneri” pillugit kukknersiuisut uppersaapput. Atuinerit, Namminersorlutik Oqartussanit utertitassatut tiguneqarsimasunut naapertuupput. Uppersaarnerni taakkunani marlunni inerniliunneqarpoq, pingaarnertut pisuni tamani naatsorsuutit/nalunaarsuinerit, kommunip ingerlataanni angusat eqqortumik takussutissiisut.

2014-imut Namminersorlutik Oqartussanut tunngasut kommunip naatsorsuusiorfigisaasa kukknersiorneri pillugit kukknersiuisut nalunaarusiaminni nr. 19-imi tullinnguuttut oqaaseqaateqarput, taakku ataatsimiititalianit akissuteqaatinik malitseqartinneqarlutik:

Aqutsisut nakkutilliinerat.

Ilaqutariinnermut immikkoortortaqaarfik kiisalu Inuussutissarsiuutinut Suliffissaqartitsiniarnermullu immikkoortortaqaarfik Kukknersiuisunit innersuutigineqarpoq Aqutsisut nakkutilliisarnerat atuutilersinneqassasoq (Illup iluani nakkutilliineq). Kukknersiuisut ukiuni arlaqartuni malugigaangamikku tamanna uparuartarpaat, nalilersuinerminilu ilannguppaat

immikkoortorta qarfinni tamanna pitsanngoriaateqarsimanngitsoq.

Ilaqtariinnermut ataatsimiititaliaq ima akissuteqarpoq, aqutsisut aningaasaqarnermik nakkutilliinissaat pillugu paasitinnegareersut, soorluttaaq suliat suliarineqartarnerinut atatillugu suleriaasissat eqqortut paasissutissiissutigineqareersut. Tamanna suliat pillugit ataatsimiittarnikkut sulianik tigusilluni misissuataarisarnikkut kiisalu aqutsisut ataatsimiillutik Sisimiunut Maniitsumullu tunngatillugu missingersuutinik misissuisalernerisigut ileqqussanngortinneqarpoq. Tassuunakkut aqutsisut tamarmik missingersuutinut piginneqataasutut misigisimalersarput, qaammatikkaartumillu nalunaarusiatigut nikingassutit il.il. pillugit oqaaseqartinneqartalerlutik, ilutigalugulu pisortat nakkutilliinissaat malinneqarluni.

Inuussutissarsiutinut Suliffissaqartitsiniarnermullu ataatsimiititaliaq ima akissuteqarpoq, Kommunimit aqutsisut nakkutilliisut 2014-imi nakkutilliilluarnerusimasinnaasut ilumoortoq. Ajoraluartumik pisortatut atorfillit taarserarsimapput, taamaalillunilu pisortaanertut, ilinniartitaanermullu pisortatut atorfiit marluk nutaanik inuttalernerqarlutik. Pisortat nakkutilliinissaasa, pitsaassutsikkullu nakkutilliinissaq pitsanngoraavigineqarnissaa pillugu pisortaaqatigiit suliamik aallartitsinikkuupput. Taamaalilluni pisortat nakkutilliilluarnerunissaat, taamatullu inuutissarsiutinut suliffissaqartitsiniarnermullu tunngasuni, matumani tjeklistit atorneqalernissaat ilanngullugu, suliniutinik aqutsilluarnerunissaq anguniarneqarluni.

Piginnaangorsaqqiinerit

Kukkunersiuisut oqaatigaat, Sisimiuni piginnaangorsaqqiinnermut tunngatillugu Namminersorlutik Oqartussanit utertitassat, 2014-imi juunip 23-ata tungaanut ataavartumik utertinneqartut.

Tamatuma kingorna piginnaangorsaqqiinnermut atatillugu aningaasartuutinik naatsorsuutinut ikkussuisoqarsimanngilaq, soorluttaaq Namminersorlutik Oqartussanit utertitsisoqarsimanngitsoq. Aningaasartuuteqarsimatillugu naatsorsuutinut ikkussuisoqartarnissaa kiisalu Namminersorlutik Oqartussanit utertitassat ataavartumik utertinneqartarnissaat innersuussutigaarput.

Kukkunersiuisut piginnaangorsaqqiinnermi sulianik misissuinerminni maluginiarpaat, suliani arlalinni – killilimilluunniit – paasissutissat pisariaqartinneqartut pissarsiarineqarsimanngitsut. Ilanngullugu kukkunersiuisut oqaatigaat, Maniitsumi sulianik tigulaarinnermi paasineqarpoq, suliffeqarfimmi piginnaangorsaqqiinnerup aallartinnerani, utertitsinissamut procentip allanngortinneqarnissaa suliffeqarfimmut isumaqatigiissutigineqarsimasoq. Tamatuma saniatigut sulisinnaassusaata apparsimaneranut uppernarsaat amigaatigineqarpoq.

Siuliani nassuiaatigineqarluni iliuuserineqarsimasoq, maleruagassanut atuuttunut naapertuutinngitsoq isumaqarpugut.

Inuussutissarsiutinut Suliffissaqartitsiniarnermullu ataatsimiititaliaq ima akissuteqarpoq, Sisimiuni Piareersarfik ingerlanneqarnerata tunniunneqarneratigut, ilaatigut sulisut taarserarnerisigut, suleriaatsinillu nutaanik eqqussinikkut, 2014-imi ukiup affaata aappaani ingerlanneqarnera eqqugaasimasoq ilumoortoq. Suleriaatsit taakku iluarsiiffigineqarnissaat sulissutigineqarnikuuvoq. Piginnaangorsaqqiinnermi suliat ukiorpaalunni kukkusumik amigartumillu suliarineqartarsimasut ilumoorpoq. Sisimiuni piginnaangorsagassat pillugit suliat tamarmik ukiup naanerani misissorneqarput. Taamaalilluni 2014-imi ukiup affaani kingullermi piginnaangorsaqqiisimanermi aningaasartuutiginneqarsimasut naatsorsuutinut ikkussuunneqarlutillu utertinneqarput, taamaakkaluartorli ukiup affaata aappaani aningaasartuuteqartoqarsimanngilaq, taamaalillunilu Sisimiuni piginnaangorsaqqiinnermut atatillugu utertitassaqarsimanani. 2014-ip naanerani Sisimiuni arfineq-marluinnaat piginnaangorsagaasimapput.

Siusinaartumik pensionit

Kukkunersiuisut paasivaat, siusinaartumik pensionsianut kontomi, 65-ileereersimasunut tunniussisoqartarsimaneranik nassaassaartoq.

Siusinaartumik pensionsiallit 65-ileereersimasut, qaammammi 65-iliiffiini, utoqqalilluni pensionisialittut nuutsinneqartussaapput.

Tamanna utertitassanut sunniuteqarmat, ilaannullu aningaasanut tunniunneqartartunut immaqa sunniuteqarmat innersuussutigineqarpoq, pissutsit eqqortumik iluarsineqarnissaat pillugu tamanna misissuiffigineqassasoq.

Ilaqutariinnermut ataatsimiititaliaq ima akissuteqarpoq, Utoqqanut Immikkoortortaqaqarfiup aqutsisut nakkutilliinerat sukateriffiginikuugaa, tamatumani qaammatit tamaasa suliat qulit, taakkunanga siusinaartumik pensionisiallit tallimat, utoqqalillutillu pensionisiallit tallimat misissorneqartartut. Suliat oqaaseqarfigalugit nalunaarusiortoqartarpoq, suliallu allakkianik amigaatigineqaraangata, sullissisut aaqqiissuteqarnissaannik imaluunniit allakkiornissaannik piunnaqqigineqartarlutik. Tamanatuma saniatigut akileraarut akilertinnagu isertitat Utoqqarnut Immikkoortortaqaqarfiup misissortarpari, tassani siusinaartumik utoqqalinersialinnut pensionisialinnullu tunniunneqartartut ajunnginnersut, siusinaartumillu pensionisiallit 65-iliisut utoqqalilluni pensionisiaqalersinneqarsimanersut misissorneqartarluni. Tamatumaa saniatigut siusinaartumik pensionisiallit 65-iliisimasut piffissaagallartillugu utoqqalillutik pensionisialittut nalunaarsorneqarnissaat qulakkeerniarlugu, siusinaartumik pensionisialinnut aningaasat tunniunneqartartut pillugit allattorsimaffik sullissisut akulikitsumik misissortarpari. Sullissisut ulloq aalajangersimasoq siusinaartumik pensionisialinnut tunniunneqartartunik misissuisarput.

Erninermusiat

Kukkunersiuisut oqaatigaat, suliat immikkoortitat misissuataarneqarnerini, aningaasanik tunniussisimanerit ilaat kukkuneqartut. Matumani pingaartumik erninissaq sioqqullugu sulisimanerit akunnerit amerlassusaat (erninermusiassat naatsorsorneqarnissaannut tunngaviusut) kukkusumik naatsorsorneqartarsimanerat patsisaavoq.

Ilaqutariinnermut ataatsimiititaliaq sinnerlugu aningaasaqarnermut ataatsimiititaliaq tulliuuttut akissuteqartariaqarpoq: erninermusiat tunniunneqartartut iluarsiivigineqareerput, siunissamilu sapaatip akunneranut ullunut arfineq-marlunnut tunniussoqarani, ullunut tallimanut tunniussisoqartalissalluni. Matumani Sisimiut aamma Maniitsoq pineqarput. Tunniussisarnerit naapertorlugit suliarineqarpoq.

Ilinniagaqarnermusiat

Kukkunersiuisut paasivaat, 2014-imi septembarimi ilinniarfiusumit akuerisaanngitsumik atuanngitsoorsimanermit ilinniagaqarnermusianit ilanngaavigineqarsimannngitsut.

Allaffissornikkut suliaq annertuallaarnera tunngavigalugu, ukioq atuarfiusumi 2014/2015-imi ilinniagaqarnermusianit atuanngitsoornermit ilanngaavigineqarsimannngitsut, kukkunersiuisut Sisimiuni Piareersarfimmit paasitinneqarput.

Siuliani nassuiaatigineqarluni iliuuserineqarsimasoq, maleruagassanut atuuttunut naapertuutinnngitsut isumaqarpugut.

Inuussutissarsiutinut Suliffissaqartitsiniarnermullu ataatsimiititaliaq ima akissuteqarpoq, 2014-imi aggustimi, septembarimi oktobarimilu Ilinniagaqarnerisutit pillugit Namminersorlutik Oqartussat nalunaarutaat nr. 21, 13. december 2012-imeersoq naapertorlugu, ilinniartut atuanngitsoorsimanermit ilanngaavigineqartarsimannngitsut Ilumoortoq. Sisimiuni Piareersarfik

suliariumannittussarsiuunneqarnerani 2014-ip ukiup affaani kingullermi naapertuutinngitsumik aqutsinermik kinguneqarsimavoq, ilaatigut sulisoqarnikkut taarseraattoqarnera patsisaalluni. Tamanna kukkuluttornernik kinguneqarsimavoq, ilinniagaqarnerisutunik ilanngaassineq pillugu kukkuluttorneq, 2014-imi novembarimit aaqinneqarpoq, taamaalillunilu ukioq atuarfiusoq 2014/2015 sinnerani ajunngitsumik ingerlalluni.

Kukkunersuisut nalunaarutaat nr. 20

2014-imut naatsorsuutit pillugit inaarutaasumik nalunaarusiaq pillugu kukkunersuisut nalunaarutaat nr. 20 pillugu kukkunersuisut tullinnguuttutut, eqikkarneqartunilli akissuteqarput, taakku ataatsimiititalianit akissuteqaatinik malitseqartinneqarlutik:

Missingersuutit akuersissutillu nakkutigineri.

Pingaarnertut kontot arlallit missingersuutitigut sipporneqarsimapput, pingaarnertullu Ilaqutariinnermut Immikkoortortaq aamma Ilinniartitaanermut, Kulturimut Sunngiffimmullu Immikkoortortaq sippuisimallutik. Kommunalbestyrelsi aningaasaliinissamik nalunaaruteqarsimatinnagu, aningaasartuutaasinnaasunik isertitaqaataasinnaasunillu aallartitseqqusaannginneq pillugu Aqutsinermi inatsimmi allassimasoq kukkunersuisut kingumut erseqqissaatigeqqippaat.

Ilaqutariinnermut ataatsimiititaliaq ima akissuteqarpoq, ataatsimiititaliap akisussaaffiisa iluani kontut arlallit aningaasaliissutitigut atuinertigullu nikingassuteqarsimasut ilumoortoq. Sulisut taarserarsimanerat kiisalu illoqarfinni marluusuni ilaqutariinnermut pisortaqaarsimannginneq tamatumunnga patsisaavoq.

2015-ip aallartinnerani aqutsisunut tamanut, kommunip suliffeqarfiutaani pisortanut, immikkoortortamilu pisortanut aningaasaqarneq pillugu aqutsinermik aamma aqutsisut aqutsinissaat kiisalu sulisunik aqutsinissaq pillugu pikkorissaasimanikkut, aningaasaqarnikkut aqutsinermik Ilaqutariinnermut ataatsimiititaliaq sukaterinikuuvoq. Tamatuma saniatigut 2015-imi aggustip aallaqqaataani illoqarfinni marluusuni ilaqutariinnermut pisortanik atorfinitsitsisoqarpoq, taamaattumillu aningaasaqarnikkut aqutsinissaq nakkutigilluarneqarnerulerluni.

Ilinniartitaanermut, Kulturimut Sunngiffimmullu ataatsimiititaliap akisussaaffimmi iluini kontoni arlaqartuni aningaasaliissutit atuinerillu nikingassuteqarnerat akissuteqaatimini iluoornerarpaat. Allaffeqarfinni pisortatut atorfillit 2014-imi ajoraluartumik allannngornikuupput, taamaattumillu aningaasaqarnermik aqutsinissaq naammattumik nakkutigineqarsimanani. Atuarfeqarfimmu tunngatillugu nukissanik assigiinnerusumik agguaassinissaq pillugu ilusermik atuutsitsilernermit, qaammatikkaartumillu aningaasaqarneq pillugu nalunaarutit sukateriffigineqarnerisigut naapertuuttunngorsarneqarnerisigullu, 2015-ip ingerlanerani ataatsimiititaliap aningaasaqarneq sukateriffiginikuuaa. Suliffeqarfiit assigiinnngitsut aningaasaliissutinut sanilliullugu atuinerminnik nikingasooruteqartut, aningaasaqarnikkut sukangasuumik ingerlatsilernissaannik ataatsimiititaliamit piumaffigineqarnikuupput. 2015-imi aningaasanik nuutsinissamik ataatsimoortumik suliassaq, novembarip qaammataani ataatsimiititaliamut saqqummiunneqassasoq naatsorsuutigineqarpoq.

Suliniutinut assigiinnngitsunut Naalakkersuisunit tapiiffigineqartartut.

Kukkunersuisut oqaatigaat, Namminersorlutik Oqartussanit tapiissutit ukununnga tunngasut

- A. Nunaqarfinni, nunaqarfinnilu isorliunerusuni inuutissarsiuutitigut suliffissaqartitsiniarnikkullu suliniutit piviusunngortinneqarnissaat
- B. 2014-imi suliffissaaleqisunut iliuusissanik pilersaarusiornissaq pillugu isumaqatigiissut
- C. Ilaqutariinnut Inerisaavimmuut kiisalu Ilaqutariinnut Kiffartuussivimmuut tunngatillugu

ilaqutariinnut højskolertitsinermut atatillugu akissarsiatigut tapiissutit tapiissutillu allat aningaasartuutivinnut naapertuutissasut.

Kukkunersiuisut innersuussutigaat, Namminersorlutik Oqartussanit tapiiffigineqarlutik kommunip suliniutinut aqutsinermik, matumani aningaasartuutigineqarsimasut tapiissutitullu tiguneqarsimasut kiisalu taakkununga aningaasaliissutigineqarsimasut ilanngullugit sukaterissasoq.

A pillugu. ”Nunaqarfinni, nunaqarfinilu isorliunerusuni inuutissarsiutitigut suliffissaqartitsiniarnikkullu suliniutit piviusunngortinneqarnissaat” pillugu kukkunersiuisut sulianit tigulaarnerminni paasivaat, suliniutit ilaannut 2014-imi taamaallaat atortussanik piniartoqarsimasoq. Taamaattumik kukkunersiuisut nalilerpaat, suliniutit taakku suliffissaqartitsiniarnermut annertuumik sunniuteqarsimannigitsut, taamaallunilu kommunimi 2014-imi suliffissaaleqisunut ikilisaataasimannigitsoq. Tamanna kommunimut aningaasaliissuteqarnikkut siunertaasimagaluarpoq. Kommunip paasissutissiissutigaa, suliniutit taakku 2015-imi naammassineqassasut.

Aningaasaqarnermut ataatsimiititaliaq tulliuuttut akissuteqartariaqarpoq:

Nunaqarfinnut tunngatillugu suliniutit ilaat 2014-imi naammassineqarsimannigitsut ilumoorpoq, taakkulu aatsaat 2015-imi naammassineqarsimallutik. Nunaqarfinnut aningaasaliissutit pillugit Namminersorlutik Oqartussanut isumaqatigiissut 2014-ip ingerlanerani aatsaat isumaqatigiissutigineqarmat taamak pisoqarpoq, taamaanneratigullu 2014-ip ingerlanerani suliniutit ingerlanneqarnissaannut piffissaalatsinarluni.

Tamatumani saniatigut aningaasaliissutit ukiumiit ukiumut allangorartarput. Siullermik Nunap immikkoortuisa ineriartortinnissaannut periusissaq sammeneqarpoq, kingorna nunaqarfiit immikkut sammillugit nunaqarfinnut aningaasaliissutit pineqarlutik. Taamatuttaaq aningaasat amerlassusaat ukiut ingerlanerani allangortinneqartarput, assersuutigalugu 2014-imit 2015-ip tungaanut 5 mio. koruuninit 2,5 mio. koruuninut appartinneqarlutik.

Suliniutit pilersaarusiorneqarnissaannut ingerlanneqarnissaannullu piffissaalatsinarpoq, taamaattumillu ukiumi isumaqatigiissusiorfigineqartup iluani suliniutit tamarmik naammassiuminaattarlutik. Pissutsit taamaatsillugit ukiup tullissaanut nunaqarfinnut aningaasaliissutit imaluunniit kommunip nammineq aningaasaatai siunertamut atorneqartariaqarput, tamannalu suliniutini kukkunersiuisut eqqaasaanni pisimalluni.

Nunaqarfinnut aningaasaliissutit aamma suliffissaaleqisunut tunngatillugu Inuussutissarsiornermut, Suliffeqarnermut Niuernermullu Naalakkersuisoqarfimmu isumaqatigiissutit, ukiumi pineqartumi qaammaterpaaluit ingerlareersut pinnagu, piffissaagallartillugu ukiup nutaap aallartinninnerani isumaqatigiissutigineqartassasut kissaatiginarpoq.

B ”2014-imi suliffissaaleqisunut iliussissanik pilersaarusiornissaq pillugu isumaqatigiissut” pillugu kukkunersiuisut oqaatigat, Sisimiut Piareersarfiup Qeqqata Akademimut tunniunneqarneratigut kiisalu sulisut taarserarsimanerisigut, utertitatut tiguneqarsimasut aningaasartuutigineqarsimasullu, Namminersorlutik Oqartussanut isumaqatigiissutigineqarsimasunut naapertuunnersut ataatsimoortumik malinnaavigiuminaatsinneqarsimasut.

Sisimiuni Piareersarfiup suliariumannittussarsiunneqarnera patsisaalluni, 2014-imi ukiup affaata aappaani, ilaatigut sulisut taarserarsimanerisa kingunerisaanik aqutsilluarsimasoqarsimanninnera Inuussutissarsiutinut Suliffissaqartitsiniarnermullu ataatsimiititaliap ilumoornerarparaa. Tamatuma kingunerisaanik siornatigut kontoplanimut nalunaarsuisarsimanermut sanilliullugu allaanerusumik nalunaarsuisoqartarsimavoq. Taamaakkaluartoq Inuussutissarsiutinut Suliffissaqartitsiniarnermullu

ataatsimiititaliaq isumaqarpoq, Namminersorlutik Oqartussanut isumaqatigiissusiorsimanerit naapertorlugit aningaasaqarnermut naatsorsuutitut nalunaarsuisoqartarsimasoq. Inuussutissarsiutinut Suliffissaqartitsiniarnermullu ataatsimiititaliaq oqaatigaa, Piareersarfimmi ingerlatat Namminersorlutik Oqartussani immikkoortortanit assiginngitsunit, assigiinngitsunillu sullissisoqarnerisigut, Namminersorlutik Oqartussat tapiissutaannik aqutsinissami ajornakusoortitsisoq. Piareersarfimmut tunngatillugu assigiinngitsunik sullissisulerluni isumaqatigiissuteerapassuaqarani ataasiinnarmik isumaqatigiissuteqarsinnaagaluaraanni paasiuminernerussagaluartoq. Taamatut eqqarsaatersuuteqarnermut Namminersorlutik Oqartussat isumaqataapput, 2015-imilu isumaqatigiissusiornissami isumaqatigiissutit isumaqatigiissummut ataatsimut ataatsimoortinneqartussaanikuugaluarput, tamannali pinngitsoormat siusinnerpaamik aatsaat 2016-imi ataatsimoortinneqarsinnaalissapput.

Tamatuma saniatigut Inuussutissarsiutinut Suliffissaqartitsiniarnermullu ataatsimiititaliaq isumaqarpoq, Namminersorlutik Oqartussanut isumaqatigiissusiornissat siusinnerusukkut pisarsinnaagaluartut, taamaalilluni Piareersarfimmut, pingaartumillu suliffissaaleqisunut tunngatillugu ukiup nutaap aallartippallaannginnerani pilersaarusiordfigineqarsinnaassammata. Sikuunerata ukiuuneratalu kingunerisaanik aalisartut sanasullu suliffissaaleqisut ukiup affaata siulliani nalinginnaasumik amerlanersaasarmata, suliffissaaleqisut eqqarsaatigalugit tamanna pingaaruteqarnerpaavoq.

Kommuni 2014-imi aqutsilluarnerusimasinnaasoq aamma ilumoorpoq. Pisortatut atorfiit ajoraluartumik nikerarnikuupput, matumanilu Ilniartitaanermut pisortaanertut atorfik, pisortatullu atorfiit marluk nutaanik inuttalerneqarlutik. Kommunimi aqutsisut nakkutilliinerisa, pitsaassutsikkullu nakkutilliinerup pitsanngorsaavigineqarnissaanut pisortaaqatigiit ataatsimoortumik suliarnik aallartitsinikuupput. Taamaalilluni aamma inuutissarsiutinut suliffissaqartitsiniarnermullu tunngasuni aqutsisut nakkutilliinerunissaat, suliniutinillu aqutsilluarnerunissaat aamma sulissutigineqarpoq.

C ” Ilaqutariinnut Inerisaavimmut kiisalu Ilaqutariinnut Kiffartuussivimmut tunngatillugu ilaqutariinnut højskolertitsinermut atatillugu akissarsiatigut tapiissutit tapiissutillu allat” pillugu kukkunersiuisut oqaatigaat, Ilaqutariinnut højskolertitsisimanerini aningaasartuutigineqarsimasut uagut naatsorsuusiordfigaagut, paasivarpullu aningaasaliissutaasimasunut sanilliullugu aningaasartuutigineqarsimasut ilaatigut annikinnerusarsimasut. Taamaalilluni aningaasaliissutit tiguneqarsimasut ilaat utertinneqaratarsinnaapput.

Ilaqutariinnermut ataatsimiititaliaq ima akissuteqarpoq, Maniitsumi Kangaamiunilu ilaqutariinnut højskolertitsinissamat atatillugu aningaasat 51.665 koruunit atunngitsuukkat IIAN-imut utertinneqassasut.

Taamatuttaaq NFBO-mut tunngatillugu aningaasat atunngitsuukkat 18.592 koruunit IIAN-imut utertinneqassasut.

Atammimmi ilaqutariinnut højskolertitsisoqarnikuuvoq. Pikkorissaasoq ulapippallaarnini pillugu 2014-ip ukiaani højskolertitsinissaminut piffissaqarsimanngilaq, ukiortaallu kinguninnguanut kinguartittariaqarsimallugu. Tamanna pillugu Atammimmi kommunip allaffia suleqatigineqartoq.

Aningaasaatitigut kontot

Kukkunersiuisut oqaatigaat, qangali nalimmassarneqareersimasussaagaluartunik kontoni suli qanganisaqartoq. Kukkunersiuisulli oqaatigaat, ajornartorsut siusinnerusumut sanilliullugu annikinnerusoq, qangarnisallu iluarsaanneqarnissaannut allaffeqarfik suli sulissuteqartariaqartoq. Kukkunersiuisut oqaatigaat, aningaasaatit tigorianaat eqqarsaatigalugit killiffimmi aningaaserivimmi kontot pillugit killiffiup aamma aningaaserivinnit takussutissat akornanni nikingassuteqartoq.

Aningaasaqarnermut ataatsimiititaliaq tulliuuttut akissuteqartariaqarpoq: Qanganitsat iluarsartuunneqarnerat suli naammassineqanngikkaluartoq iluarsaanneqalersimanagerat nuannertoq. Suliassat annertuvoq, sulilu sulissutigineqarluni. Aningaasaqarnermut allatseqarfik 2016-imi qaammatikkaartumik kontot naligiissaartarlugillu qangali uninngasuutit naligiissaarniarpaat. Kommunimit aningaaserivinnut pisinnaatitsissutillit pillugit takussutissiaq misissorluarneqassaaq. Takussutissiaq aningaaserivimmu nassiunneqarumaarpoq.

Atuilluartuunissamik ingerlatsinerup naliliiffigineqarnera.

2014-imi angusanut, 2015-imilu naatsorsuutitut naatsorsuutigineqartut tunngavigalugit kukkunersuisut naliliipput.

Kukkunersuisut oqaatigaat, ingerlatsinerumi aningaasartuutit ingerlatsinerumi isertitanut kommuni ataavartumik aningaasalersuisinnaanissaa pingaaruteqartoq. Siunissami sanaartornissamut aningaasaliisoqarsinnaaqullugu, aningaasanik uninngasuuteqarnissaq anguniarneqartariaqarpoq.

Tamatuma saniatigut kommunimut akiitsut ukiuni kingullerni qaffakkiartuinnarput. Tamatuma kingunerisaanik aningaasaatit tigorianaannut sunniuteqarpoq, taakkulu aamma ukiumi angusanit matussuserneqassallutik.

Allaffeqarfiup naliliinera

Taamaalilluni Kommunalbestyrelsip aalajangiisimanageranut naapertuuttumik sukanganerusumik aningaasaqarnermik aqutsisoqarnissaanik, ataavartumik ataatsimiititaliat eqqummaarinnerusariaqarput. Malittarisassatut aalajangiiffigineqarsimasut ataatsimiititaliat annerusumik malinnaaffigisariaqarpaat, pisariaqarfiinilu missingersuutitigut nuutsinissamik qinnuteqartarlutik.

Sanaartornissamut aningaasaliissutissat, akiitsullu qaffakkiartuinnartut matussutissaqartillugit nalinginnaasumik ingerlatsineq aningaasaatinik tigorianaannik naammattunik pilersitsisinnaanera qulakkeerniarlugu, aningaasaqarnerup aqunneqarnera annerusumik sammineqartariaqarnera pillugu allaffeqarfik isumaqataavoq.

Allaffeqarfiup innersuussutaa

Innersuussutigineqarpoq, kukkunersuisut nalunaarutaannut akissuteqaatissatut siunnersuutigineqartut, Aningaasaqarnermut ataatsimiititaliap Kommunalbestyrelsillu akuersissutigissagaat.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbesturelsimut akuersissutigeqqullugit innersuussutigivai,

- kukkunersuisut nalunaarutaannut akissuteqaatissatut siunnersuutigineqartut akuersissutigineqassasut

Aalajangiineq

Ilanngussat

1. Kukkunersiuisut nalunaarutaat nr. 19
2. Kukkunersiuisut nalunaarutaat nr. 20

Imm. 10 2015-mi pitsaassuseq pillugu atuarfiit nalunaarusiaat

Journalnr. 51.00

Tunuliaqutaq

Atuarfik pillugu Inatsisartut inatsississaattut siunnersuut nr. 15, 3. december 2012-imeersaq naapertorlugu piumasaqaatinngorpoq, pitsaassuseq pillugu ukiumoortumik nalunaarusiamik atuarfinni pisortat kommunalbestyrelsimut nassitsisalissasut. Pitsaassumik nalunaarusiorfissamik Ilinniartitaanermut Naalakkersuisoqarfiup suli saqqummiussinikuunngimmat, atuarfinni pisortanit immersorneqartussamik Qeqqata Kommunua nammineerluni immersuiffissaliornikuuvoq.

Maleruagassatigut tunngavissat

Atuarfik pillugu Inatsisartut inatsississaattut siunnersuut nr. 15, 3. December 2012-imeersaq § 49. Atuarfiup pisortaa pitsaassuseq pillugu nalunaarusiortassaaq ukiumi atuarfiusumi pineqartumi 1. oktober sioqqullugu kommunalbestyrelsimut nassiunneqartussamik.

Imm. 2. Pitsaassuseq pillugu nalunaarusiap imarisassavai ukiumi atuarfiusumi kingullermi nukarlerni akullernilu misitsinnerni angusat, angajullerni inaarutaasumik misilitsinnerni angusat, iliuusissanik pilersaarusiernerit, agguaqatigiissillugu klassini atuartut amerlassusiat, piffissaq atuartitsineritut atorpeqarpoq, napparsimanerit pillugit naatsorsuinerit, piffissaq vikarinit atorpeqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

Pissutsit atuuttut

Oktobarip aallaqqaataa tikitsinnagu atuarfiit pitsaassuseq pillugu nalunaarusiamik tunniussisussaanikuupput. Pitsaassutsit pillugu nalunaarusiat arfineq pingasut kommunimit tiguneqarput. Itillip atuarfiata pitsaassuseq pillugu nalunaarusiaq tunniussimanngilaa, tamannalu pissuteqarpoq Itillimi atuarfiup ittutaavata paasissutissat toqqammavigisassani nalunaarusiornerminilu atugassani pissarsiarisinnaasimanngimmagit. Ukiumut tulliuuttumut atuarfiit tamarmik pitsaassutsimik nalunaarusiamik tunniussaqaassapput, tamaattumik siunissami pinngitsoorani suliasat ilagisariaqarpaat, atuarfiillu ittuisa suliffimminniit soraartigatik pitsaassutsimik nalunaarusiorneq naammassiniartariaqarpaat, kiisalu pitsaassutimik nalunaarusiorneq augustip aallaqqaataartinnagu naammassineqartariaqarpoq. Kommuni ukioq manna kommunip atuarfiinut tamanut ataatsimoortumik pitsaassutsimik nalunaarusiorpoq, tamanna atorpeqarsinnaavoq atuarfeqarfimmut aqutsinikkut sakkussatut atorpeqarsinnaassalluni pingaaruteqartutigit allaffissornikkut politikikkulu ingerlatsisut ataatsimut isiginnissinnaanerannik pilersitsissammat. Pitsaassutsimik nalunaarusiaq taanna atuarfiit nammineq pitsaassutsimik nalunaarusiaat ilanngullugu kommunip nittartagaatigut saqqummiunneqarsinnaapput.

Pitsaassutsimik nalunaarusiat aallaaviussapput kommunalbestyrelsip atuarfinnik nakkutiginninneranik. Taamaattumik pitsaassutsinik nalunaarusiat kommunalbestyrelsip ukiumoortumik nakkutilliilluni pularnerani atorpeqassapput aammalu atuarfiip siulersuisuisa UKFU-lu akunnerminni oqallisiginninnerannik (attaveqaqatigiinnermut- nakkutilliinissamullu pilersaarut naapertorlugu).

Atuilluartuunerup kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Kinguneqaatissaqanngilaq.

Allaffeqarfiup naliliinera

Pitsaassuseq pillugu nalunaarusiap illua-tungeriinnut tamanut pitsaasuunissaa pillugu siunissami naleqqussarneqassasoq. Atuarfeqarfiup inerisarnera pillugu oqallisiginninnermi ataatsimut pitsaassutsimik nalunaarusiaq atorneqartariaqarpoq.

Allaffeqarfiup innersuussutaa

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq,

- Pitsaassuseq pillugu atuarfiit nalunaarusiaat tusaatissatut tiguneqassasut
- Pitsaassutsimik ataatsimut nalunaarusiap inerneru oqallisigissagaa
- Immikkoortoq kommunalbestyrelsimut ingerlateqqinneqassasoq

Ilinniartitaanermut, Kulturimut Sunngiffimmullu ataatsimiititaliap suliamik suliarinninnera

Ataatsimiititaliap novembarip 9-ani ataatsimiinnermini innersuussutigineqartut akuersissutigivai.

Ataatsimiititaliaminngaannit Atuarfiit tamarmik allaffigineqassapput, naammassisimanngisatik naammasseqqullugit. Naammassisimasullu qujaffigalugit allaffigineqassallutik.

Innersuussut

Ilinniartitaanermut, Kulturimut Sunngiffimmullu ataatsimiititaliap Kommunalbestyrelsimut innersuussutigivai akuersissutigeqqullugit,

-Pitsaassuseq pillugu atuarfiit nalunaarusiaat tusaatissatut tiguneqassasut

-Pitsaassutsimik ataatsimut nalunaarusiap inerneru oqallisigissagaa

-Immikkoortoq kommunalbestyrelsimut ingerlateqqinneqassasoq

Aalajangiineq

Ilanngussat

1. Qeqqata Kommuniani atuarfeqarfinnut ataatsimut pitsaassutsimik nalunaarusiaq
2. Minngortuunnguup Atuarfianit pitsaassuseq pillugu nalunaarusiaq
3. Qinguata Atuarfianit pitsaassuseq pillugu nalunaarusiaq
4. Kangaamiut Atuarfianit pitsaassuseq pillugu nalunaarusiaq
5. Napasoq Atuarfianit pitsaassuseq pillugu nalunaarusiaq
6. Sarfannguit atuarfianit pitsaassuseq pillugu nalunaarusiaq
7. Nalunnguarfiup atuarfianit pitsaassuseq pillugu nalunaarusiaq
8. Atuarfik Kilaaseqqamiit pitsaassuseq pillugu nalunaarusiaq
9. Atammiup atuarfianut pitsaassutsimut nalunaarusiaq

**Imm. 11 Oqaluuserisassatut siunnersuut - Qeqqata Kommunian-ni
namminersortunngorsaaneq namminersortunngorsaasimanerlu.**

Journalnr. 66.15

Pissutsit atuuttut

Kommunalbestyrelsimut ilaasortaq Hans Frederik Olsen, Siumut, 2015-imi novembarip 5-iani e-mailikkut imatut siunnersuuteqarpoq:

Qeqqata kommunia-ni suliffinnik namminersortunngorsaaneq isumaatigut kusanarpoq aammalu tapersersornarpoq, kisiannili namminersortunngorsaaniaannarluta namminersortunngorsaasinnaangilagut pitsaassutsimik malernaatitsinata, aammalu kommunip ingerlatsineraniit akikinnermik ingerlatsisinnaaneri piinnarlugu namminersortunngorsaasinnaangilagut, tassami massakkumut namminersortunut tunniussimasagut ulloq manna tikillugu maallataajuarput, uani isumaqarpunga kommunimi amigaatigigippit isumaqatigiissutsinik iluamik ingerlatitsisoqarneranik nakkutilliisoq kiisalu isumaqatigiissutinik malitsitsisoqangikkaangat ilisimatinneqartarnissaq. Tassami kommunal bestyrelse-mi akisussaanerpaajuvugut innuttaasut pitsaanerpaamik akimullu naleqqutumik kiffartuunneqarnissaannut sulissuteqarnissamut.

Isumaqarpungalu ingerlalluanngitsoortoqarnerani kommunimip akisussaaffik tigoqqittariaqalersinnaanera innuttaasunut akisuninngorsinnaanera aarlerinartortaartoq kiisalu pakkersimaartinneqarsinnaasariaartoq.

Namminersortunngorsaaneq tamani isumaqarpunga pingaaruteqarluinnatoq ilisimassallugu, kiffartuussineq namminersortunngorsarneqartassanngitsoq innuttaasunut akikinnerunissaa piinnarlugu, killormuanilu pitsaassuseq ajunnginnersoq aamma nalilersuinerni aaliangiinernilu pingaaruteqarluinnarmat.

Taamaamat innersuutigissavara oqaluuserisassanngortikkusupparalu Qeqqata Kommuniani isumaqatigiissutit aallaavigalugit suliffeqarfiit ingerlatsisut nakkutilliisoqalernissaat atorfinitsitsinikkut imaluunniit atorfeqareersumiit suliaakkiinikkut tamanna pissasoq, Ilumut eqqortumik ajunngitsumillu namminersortunngorsakkagut ingerlappat? Siunertat ajunngitsorsuit timitaat eqqortuuppat/piviusuuppat? Ingerlanerlulertoqassagaluarpallu erngerluta iluarsinissamik qisuariarsinnaanermik periarfissaqarluta ingerlalissagaluarpuq.

- Qeqqata Akademi.
- Illoqarfiup busseqarnera.
- Meeqqeriviit nerisaqartinneqartarnerat.
- Sisoorarfiit nakkutigineqarnerat.
- Eqqaavilerineq/Anartaajaalerineq.
- Assaqutaq Lejrskole-mi nakkutilliineq.
- Illuaqqanik nakkutilliineq.
- Inuusuttut ornittagaat.
- Kantinaqarneq
- QIS

Innersuussut

Innersuussutigineqarpoq siunnersuut kommunalbestyrelsimi eqqartorneqassasoq

Aalajangiineq

Ilanngussaq
Soqanngilaq

Imm. 12 Oqaluuserisassatut siunnersuut - Kommunimi illunik allanngutsaaliugassat

Journalnr. 51.08.07.12

Pissutsit atuuttut

Kommunalbestyrelsimut ilaasortaq Malene Ingemann, Partii Naleraq, 2015-imi novembarip 5-iani e-mailikkut imatut siunnersuuteqarpoq:

Kommunimi illunik allanngutsaaliugassanik peqartilluta, allanngutsaaliukkanik peqarniaannarluta illunik allanngutsaaliuinnginnissaq pingaaruteqarpoq. Sisimiuni pisuni ataasiakkaani illumik piginnittut, illuutimi allanngutsaaliugaanerani isumaqataanngillat, taamaattoqartillugulu illup aserfallatsaaliinissaa unitsiinnarneqartarluni, tamatuma kingunerisarpaa illu ima aserfallatsigilersarluni naggataatigut annaanneqarsinnaanani. Taamaattumik illunik ataasiakkaanik allanngutsaaliugaanerisa kinguneranik nakkaatiinnartunik takusinnaasarluta, - tassa piginnittut illumik allanngutsaaliukkamik pituttorsimanermik misiginninnerinut sanilliullugu.

Tamanna tunngavigalugu illumik allanngutsaaliugaalersitsinermi piginnittumik paaseqatigiilluni ingerlanneqartarnissaata qulakkeerneqarnissaa siunnersuutigerusuppara, taamaalilluni piffissap aalajangersimasup ingerlareernerani piginnittup illuutimi allanngutsaaliugaanerani suliarititseqqiinnaassasoq. Illup oqaluttuarisaanermut pingaaruteqarlunnarneani, allanngutsaaliugaanerata attatiinnarnissaa aalajangiunneqarpat (illu ima eriagigassaatigippat taamatullu oqaluttuarisaanermut pingaaruteqarlunnarluni), - taamatut pisoqartillugu piginnittup illumi allanngutsaaliugaanissaanik kissaateqanngippat, taava illu kommunimit pisiarineqarsinnaassalluni. Ukiut sisamakkaarlugit (Kommunalbestyrelsimi qinigaaffiup ataatsit ingerlanerani ataasarluni) aalajangersimasumik oqaluuserisassatut ingerlanneqarsinnaavoq, - illuni allanngutsaaliukkanik piginnittut suliamik oqaluuserititseqqiinnissamik (allanngutsaaliuinerup misissoqqinneqarnissaanik kissaateqarnermi) periarfissaqassallutik. Illup pisiarinissaanut kommuni soqutiginninngippat, taava tunngavilersuutit aallaavigalugit Kommuni piginnittumik isumaqatigiinninniarsinnaavoq, tassa allanngutsaaliugaanerup annikillisinneqarneratigut imaluunniit allanngutsaaliugaanerup atorunnaarsinneqarneratigut.

Illunik allanngutsaaliuinerup siunertaa tassaavoq, illut oqaluttuarisaanermut pingaaruteqartut eriagisassaasullu, - taamaattumik illuatungeriinnit illuutit aserfallatsaalineqarnissaat aamma pingaaruteqarpoq, taamaalillutik illut pigiinnarnissaat siunissami aamma ingerlaannarsinnaallutik.

Tamanna tunngavigalugu ukiut sisamakkaarlugit (ataatsimiinnissap tullisaanit aallartinneqarsinnaalluni) illut allanngutsaaliukkat oqaluuserineqartarnissaannut kommunalbestyrelsimut taparserneqarnissara neriuutigaara, taamaalilluta illut allanngutsaaliugaanermigut iluaqutigineqanngitsut oqaluuserineqaqqissinnaallutik, oqaluuserineqarnerinilu illuatungeriinnit iluaqutaasumik aaqqiissummik nassaarniartoqarsinnaassalluni, - allanngutsaaliuinerumik aaqqiissuteqarnerup saniatigut, illut ataqeqatigiinnikkut isumaqatigiinnikkullu pigiinnarsinnaaneri angusinnaallugu, taamatullu illunik ataasiakkaanik siunissaq eqqarsaatigalugu ataannartinneqarsinnaalissallutik, ullumikkutut ingerlanatik, illut ataasiakkaat allanngutsaaliugaanerisigut sukkanerusumik nakkaakkiartulersarlutik, tassani maleruagassat allanngortikkuminaattutigut pinngitsaalisasumik allanngutsaaliugaaneri patsisaallutik.

Malugiuk siunnersuut siulianiittutut isikkoqarnissaa soqutiginnigilara, siunnersuutaannartulli isigineqassaaq, - siunnersuut ataatsimoorluta ilusilersorsinnaavarput, taamaalillutalu ajornartorsiutaasumut pitsaanerpaamik aaqqiissutissamik nassaarsinnaassalluta.

Innersuussut

Innersuussutigineqarpoq kommunalbestyrelsimi oqaluusereriarlugu siunnersuut Teknikkimut Avatangiisinullu ataatsimiititaliamut ingerlateqqinneqassasoq

Aalajangiineq

Ilanngussaq

Soqanngilaq

Imm. 13 Oqaluuserisassatut siunnersuut – Sisimiut Kangerlussuullu akornanni illuaqqat

Journalnr.

Pissutsit atuuttut

Kommunalbestyrelsimut ilaasortaq Marius Olsen, Siumut , 2015-imi novembarip 5-iani e-mailikkut imatut siunnersuuteqarpoq:

Nalunngisatitut ukiuni kingullerni Sisimiuniit Kangerlussuarmut taamatullu utimut pisunneq annertusigaluttuinnartumik atugaalernikuvoq.

Taamatullu aqputaani illuaqqanik arlalinnik peqartoq nalunngilarput.

Takkulu isumaqarpunga eqqartortariaqalerigut pissutigalugu tusaamanarsinikummat siulliullutik ersertut allanik iseqquisarsimangitsut.

Oqaluttunneqarpungalu aasaq ilulissaniik pisutut tyskinit siulliullutik esertunit eseqquneqanngilluinnarsimasut tamannalu tunngavigalugu kalaallit tyskillu aasaq manna isaasalerlugu sorsuutingatiarsimapput. Naggataatigullu kalaallit ajugaasimasut tusarpakka.

Mannalu siunnersuutigiumavara tamakku illuaqqat angalusunut tamanut ammatinneqartariaqartut.

Allannginerminnilu Sisimiuni Kangerlussuarmilu Kommunip allaffianut nalunaartassasut illuaqqanik atuiumallutik akuersisumillu pissarsisassasut takutissinnaasaminnik angalusunut allanut tannalu angalaqatiginnut 200 kr-nimik akeqassasoq takkulu akiliutit illuaqqat aserfallatsaaliernerannut atorneqassasut.

Innersuussut

Innersuussutigineqarpoq kommunalbestyrelsimi oqaluuseriarlugu siunnersuut Teknikkimut Avatangiisinullu ataatsimiititaliamut ingerlateqqinneqassasoq

Aalajangiineq

Ilanngussaq

Soqannilaq

Imm. 14 Oqaluuserisassatut siunnersuut - Nunaqarfittatinniit tunisassiornermi killilersuisarneq

Journalnr.

Pissutsit atuuttut

Kommunalbestyrelsimut ilaasortat Marius Olsen, Aqqalu Skifte, Jakob Olsen, Siumut , 2015-imi novembarip 4-iani e-mailikkut imatut siunnersuuteqarpoq:

Nalunngisattit ukioq 2014-mi februarimi Maniitsumi pisuusutit uumassusillit isumasioqatigippugut.

Taamanikkulli eqqartulerparput Qeqqata Kommuniata nunaqarfittaani tamani sinerissamittuni ajornartorsiutit assigissut.

Tassalu nunaqarfittatinniit tunisassiornermi killilersuisarneq, ullut 14-nikkarlugit nunaqarfinniit assartuisarneq, tunisassiornerup annertunerulersinnannginnera inallagissiorfiit pisinnaasaanuk killeqaqisumik alliliisinnaanerup killilerneqartarnera.

Tamakku tamarmik kingunerisarpaat nunaqarfimmiut illoqarfinnut nuttilersarnerat uffa nunaqarfittik nioqqutissiassalissuaq.

Nalunngilluinnarparput nunaqarfiit inuutissarsiutaasa annersarigaat aalisarneq taamattumik tupinnangitsumik nunaqaefimmiumit ukiut tamaasa suartaatigineqartarput ajornartorsiutit qulaani takkartukkagut.

Tamakku ajornartorsiutit qasseriallutimmitaava pisortanut anngunneqartaraluarpat mannamullu kinguneqanngitsumik.

Tamanna pingasulluta Aqqalu. Jaaku, Mariusilu oqaloqatigissutigisareerlugu matumuuna kommunimut oqaluuserisassanngortipparput piginnittut qulaanilu taasagut pisorta qarfiit qullersai tikillugit saqqummiivigisariqarigut piareersarluariarluta ukiortallu allartilaarnerani ornillugit tikillugit saqqummiivigisariaqarigt.

Qulaanimi takkartukkagut tassapput Qeqqata Kommuniata aningaasaqarneranut annertuumik pingaaruteqartut.

Innersuussut

Innersuussutigineqarpoq siunnersuut kommunalbestyrelsimi oqaluuserineqassasoq.

Aalajangiineq

Ilanngussaq

Soqanngilaq

Imm. 15 Oqaluuserisassatut siunnersuut – Sisimiuni umiatsiavileqarneq

Journalnr.

Pissutsit atuuttut

Kommunalbestyrelsimut ilaasortaq Marius Olsen, Siumut , 2015-imi novembarip 4-iani e-mailikkut imatut siunnersuuteqarpoq:

Ukiuni tullerriaani kommunalbestyrelsimi oqaluuseriuvagarput sisimiuni umiatsialiveqarneq isumaqarama nammassisariaqalersoq.

Nalunngisatitut ukiut 30-vit angullugit aalisariutinut imiatsiaqqanut puttasut annertunerusumik iluarsartussisimangilagut naak eqqartoetuartaraluarlugu siunnersorterpullu assignngitsunik siunnersuusiortaraluartoq.

Isumaqarpunga tassa piffisanngortoq asuli oqaluuserinnarnagu qanoq iliuuserqatariaqalersugut pissutigalugu ukiuni makkunanerpiaq maani Sisimiuni angallatit anginerumaat ukioq mannannaq arlalinnik ilanikuupput natsorsuutigalugulu ukiuni aggersuni suli amerliartorumaartut taamatullu umiatsiaqqat anginerusunut naleqqussartoqarsimavoq arlalissuarnillu anginerusunik umiatsiaarartaartalersimapput.

Taamattumik kissatigaara pimoorullugu oqaluuserieriarlugu nammassisaqarfiusumik iluarsissutannangitsumik siunissaq ungasinnerusoq isigalugu susassaqartut ilagalugit peqatigalugit aqqiiniartariaqarparput.

Innersuussut

Innersuussutigineqarpoq kommunalbestyrelseimi oqaluuserieriarlugu siunnersuut Teknikkimut Avatangiisinullu ataatsimiititaliamut ingerlateqqinneqassasoq

Aalajangiineq

Ilanngussa

Soqanngilaq

Imm. 16 Aningaasaqarnermut ataatsimiititaliap kommunalbestyrelsillu 2016-imi ataatsimiiffissaannut siunnersuutit

Journalnr. 01.01.01

Tunuliaqutaq

Aningaasaqarnermut ataatsimiititaliap kommunalbestyrelsillu 2016-imi ataatsimiiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliaq	Kommunalbestyrelsi
16. februar	25. februar
15. marts	
19. april	28. april – 2015-imut naatsorsuutit akuerineri.
17. maj	26. maj - Maniitsoq
14. juni	
16. august	25. august - Sisimiut
20. september – 2017-imut missingersuutit siullermeeneri	29. september - 2017-imut missingersuutit siullermeeneri
18. oktober – 2017-imut missingersuutit aappasaanneeneri	27. oktober - 2017-imut missingersuutit aappasaanneeneri
15. november	24. november
13. december	
	Pisussat allat
	22.-24. august – 2017-imut missingersuutit pillugit isumasioqatigiinneq. Sisimiuni

Qullersaqarfiup innersuussutaa

Ataatsimiiffisat siuliani taaneqartut, Aningaasaqarnermut ataatsimiititaliamit Kommunalbestyrelsimillu akuerineqassasut qullersaqarfiup innersuussutigaa.

Aningaasaqarnermut ataatsimiititaliap suliamik suliarinninnera

Ataatsimiititaliap novembaripå 17-iani 2015 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuersissutigeqqullugu,

- Aningaasaqarnermut ataatsimiititaliap kommunalbestyrelsillu 2016-imi ataatsimiiffissaannut siunnersuutit

Aalajangiineq

Ilanngussaq

1. 2016-imut ullorsiutit

Imm. 17 Kangaamiuni qatserisartunit saaffiginnissut

Journal nr. 85.04.07

Tunuliaqutaq

Kangaamiuni qatserisartut 2015-imi oktobarip 23-ani ataatsimut allagaqarlutik sulinerminnik tunuarniarlutik pilersaaruteqarput.

Maleruagassatigut tunngavissaq

Kalaallit Nunaanni annaassiniarnissamut upalungaarsimaneq aamma ikuallattoornissamik qartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Kalaallit Nunaanni annaassiniarnissamut upalungaarsimaneq aamma ikuallattoornissamik qartoornissamillu pitsaaliuinermi iliuusissat pillugit Inatsisartut inatsisaata allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq. (Sorsuttoqarnerani sorsuttoqarnissaanullu aarlerinartoqarnerani pilersaarusiornissamut aalajangiisinnatitaaffiup tiguneqarnissaa)

Nalinginnaasumik ikiuukkiartorasuartarnek kiisalu qatserisartut amerlassusissat pillugu Kalaallit Nunaanni Kaajallaasitaq nr. 1, 1. april 1994-imeersoq

Teknikkimut Avatangiisinullu ataatsimiititaliaq Qeqqata Kommuniani upalungaarsimaniarnermut akisussaasuvoq.

Pissutsit atuuttut

Qatserisartut 2015-imi oktobarip 23-ani ataatsimut allakkaminni pissutsit sisamat pillugit naammaginninngillat:

1. Kangaamiuni upalungaarsimanermit atortut (qatserisartut biilii)
2. Pujorsioartut ilinniartitaanerit amigartoq
3. Pumpinik nakkutilliisut qatserisartullu biiliisa aquttuisa ilinniartitaanerit amigartoq
4. Qeqqata Kommuniani / Nunatsinni ataatsimut isumannaallisaanermit ilinniartarnek

Immikkoortoq 1-imut tunngatillugu, upalungaarsimanermit kommissioni 2015-imi maajip 12-iani ataatsimiinnermini aalajangerpoq, sulisoqarnermit atortunullu eqqarsaatigalugit nunatsinni nunaqarfinni pitsaassutsit assigiinngitsunut Kalaallit Nunaata upalungaarsimanermit ataatsimiititaliaata oqaaseqaataanik pissarsiniarniarluni. Nunap sinneranut sanilliullugu Kommuneqarfik Sermersuup nunaqarfiini pitsaassuseq pitsaanerorpasippoq. Upalungaarsimanermit pisortaq upalungaarsimanermit ataatsimiititaliap akisutissaa nukingisaarutiginiuuuaa.

Immikkoortoq 2-mut tunngatillugu, Kangaamiunut sulisoqarnermit takussutissiap takutippaa, pujorsioartut ikippallaartut. Sulisut amerlassusilerneqartarnerannut Kaajallaasitaq naapertorlugu pujorsioartarnermit ilinniarsimasunik qulinik peqartussaagaluarpoq ullumikkullu Kangaamiuni pujorsioartutut ilinniarsimasut 0-iupput. Taakku saniatigut sisamat Grunduddannelse Indsats amigaatigaat. Naggataagullu aamma formandi aammalu upalungaarsimanermit mesterit marluk holdlederit ilinniartinneqarnissat amigaataavoq. Den Grønlandske Brandskole aqqutigalugu 2016-imi pujorsioartarnermit aammalu holdlederit pikkorissaanissaq naatsorsuutigineqarpoq, tamatumani Den Grønlandske Brandskole-p inissaqartitsineratigut, Kangaamiut peqataasunik arlalinnik peqataatitaqartariaqaralarpoq.

Immikkoortoq 3-mut tunngatillugu, Kangaamiunut sulisunut takussutissiap takutippaa, biilinit angisuunut biilernermit allagartalinnik biilertut ikippallaartut (1) kiisalu pumpinik nakkutilliisut

sisamat ilinniarsimasuunngitsut. Maniitsumi biilernermit ilinniartitsinissamik kiisalu akunnerni 24-ni pumpinik nakkutilliinermut pikkorissaanissamik, aamma Maniitsumi 2016-imi ingerlanneqartussamik pilersaaruteqartoqarpoq.

Immikkoortoq 4-mut tunngatillugu, Qeqqata Kommuniani / Kalaallit Nunaanni isumannaallisaanermut ilinniartitsinermik ajornartorsiortoqarsorinangilaq, kisianni atortussat pillugit sulisussallu amerlassusiligaasarnernut kaajallaasitap 1994-imeersup nutarterneqarnissaanut pisariaqartitsisoqartoq.

Atuilluartuunissakkut kingunerisinnaasai
Soqanngilaq.

Aningaasaqarnikkut allaffissornikkullu kingunerisinnaasai
Kangaamiuni qatserisartunut qatserutinik biilinik nutaanik pisinissaq aningaasartuutaavoq annertoq, Mercedes Sprinter qatserutitut sanaaq pisiarissagaanni 1 mio. koruunit sinnerlugit akeqassaaq.

Allaffeqarfiup naliliinera
Allaffeqarfiup nalilerpaa, nunatsinni upalungaarsimanermut ataatsimiititaliap nunaqarfinni upalungaarsimanermut sulisorisat, - qatserutit aamma ilinniarsimassusermut qaffasissuseq nalunaarutigisariaqaraluaraa. Allaffeqarfiup nalilerpaa, Den Grønlandske Brandskole aqutugalugu upalungaarsimanermut immikkoortumi nalinginnaasunik pikkorissarnernut Kangaamiut amerlanerusunik peqataatitsisariaqaraluartoq.

Allaffeqarfiup innersuussutaa
Allaffeqarfiup Teknikkimut avatangiisinullu ataatsimiititaliamut innersuussutigivaa akuersisutigeqqullugu,

-paasissutissiissut tusaatissatut tiguneqassasoq

Teknikkimut Avatangiisinullu ataatsimiititaliap suliarnik suliarinninnera
Teknikkimut Avatangiisinullu ataatsimiititaliap novembarip 10-ani 2015 ataatsimiinnermini innersuussut akuersisutigeqavaa.

Teknikkimut Avatangiisinullu ataatsimiititaliap innersuussutaa
Teknikkimut avatangiisinullu ataatsimiititaliap Aningaasaqarnermut ataatsimiititaliamut innersuussutigivaa akuersisutigeqqullugu,

-paasissutissiissut tusaatissatut tiguneqassasoq

Aningaasaqarnermut ataatsimiititaliap suliarnik suliarinninnera
Ataatsimiititaliap novembarip 17-iani 2015 ataatsimiinnermini innersuussut akuersisutigeqavaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigivaa akuersisutigeqqullugu,

-paasissutissiissut tusaatissatut tiguneqassasoq

Aalajangiineq

Ilanngussat

1. Upalungaarsimanermut kommissionip 2015-imi marsip 12-iani ataatsimiinneranit immikkoortup 5-ip imaqarniliorneqarnera.
2. Kangaamiuni qatserisartut allagaqaataat 2015-imi oktobarip 23-aneersoq

Imm. 18 Ilaqutariinnermut immikkoortorta qarfik pillugu 2016-imut missingersuummut ilanngussa q pillugu paasissutissiisut

Journal nr. 06.01.01

Tunuliaqutaq

2015-imi oktobarip 29-ani kommunalbestyrelsip ataatsimiinnerani 2016-imut missingersuutit kiisalu ukiut missiliuteqarfiit pillugit aappassaaneerneqarnerini, Ilaqutariinnermut immikkoortortami konto 41 kiisalu konto 48 pillugit, meeqqat inuusuttullu angerlarsimaffiup avataanut inissitat kiisalu innarluutillit pillugit nalunaarsuiffissamut immersuiffimmik sanasoqalerneranik paasissutissiisoqarpoq, nalunaarsuiffik angerlarsimaffiup avataanut inissinneqarsimasut amerlassusaannik kiisalu aningaasaqarnermik takussutissiisussaavoq.

Ilanngussat meeqqat angerlarsimaffiup avataanut inissinneqarsimasut cpr. Normui, aqqi kiisalu angajoqqaarsiat aqqi allattorsimaffimmi allassimaneri patsisaallutik, ataatsimiinnermut matoqqasumiitineqarput. Tamatuma saniatigut Kalaallit Nuaanni kiisalu Danmarkimi innarluutillit inissinneqartut allattorsimaffiat ilaavoq.

Pissutsit atuuttut

Aningaasaqarnermut immikkoortorta q immikkoortortat suleqatigalugit, konto 41 kiisalu konto 48-ip iluini aningaasaqarnerup kiisalu aaqqiissutit assigiinnigitsut malinnaaffigilluarneqarnissaannik sakkussanik sanasoqarpoq.

Ilanngussa q regnearki ima ima qarpoq

- 1) Fane 1 konto 41 kiisalu konto 48-mi ilaqutariinnermut immikkoortortap aningaasaqarnera, Sisimiuni Maniitsumilu fane 2-mit fane 5-i tikillugu ineriartorneranut atatillugu.
- 2) Fane 2-mit fane 5 tikillugu konto 41 konto 48-lu aaqqiissutit ingerlaneranut aqutsissutitut sakkussaavoq. Fane-ni taakkunani Sisimiut Maniitsullu akornanni assigiissaarisooqarpoq.

Fane 2-mit fane 5 tikillugu sipaarniarneq kiisalu Sisimiut Maniitsullu akornanni nukissanik atuinikinnerunissa q eqqarsaatigalugu, assigiinnigitsutigut aaqqiissuteqarnernut atatillugu angerlarsimaffiup avataanut inissinissamut suleqatigiinnermi toqqammavissatut ator neqarsinnaavoq.

Allaffeqarfiup innersuussutaa

Ilaqutariinnermut ataatsimiititaliamut innersuussutigineqarpoq:

1. immersugassat tusaatissatut tiguneqassasut
2. Aningaasaqarnermut ataatsimiititaliamut kiisalu Kommunalbestyrelsimut immersuiffiit paasissutissiisutitut nassiunneqassasut

Ilaqutariinnermut ataatsimiititaliap suliamik suliaqarnera

Ilaqutariinnermut ataatsimiititaliap ileqqusumik ulloq 12. november 2015-imi ataatsimiinnermi innersuussut akuersissutigaa, allaffeqarfillu iliuusissatut pilersaaruteqanngitsut pillugit qanoq pilersaarusiernerluni ataatsimiinnermut tullermut saqqummiussissasoq piumaffigalugu.

Ilaqutariinnermut ataatsimiititaliap innersuussutaa

Ilaqutariinnermut ataatsimiititaliap Aningaasaqarnermut ataatsimiititaliamut innersuussutigineqarpoq,
-takussutissiat tusaatissatut tiguneqassasut.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 17-iani ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigivaa akuersissutigeqqullugu,

takussutissiat tusaatissatut tiguneqassasut.

Aalajangiineq

Ilanngussaq

1. Qeqqata Kommuniani meeqqat inuusuttullu kiisalu innarluutillit angerlarsimaffiup avataanut inissinneqartut takussutissiat pillugit excelarki.

Imm. 19 Atuartut akornanni aanngajaarniutunik atuinermik misissuisimaneq pillugu paasissutissiissut

Journalnr. 51.04.03

Tunuliaqutaq

Meeqqat atuarfianut atuartut akornanni hashimik atonerluineq pillugu misissuisoqarnissamik siunnersuummik, Kommunalbestyrelsimi ilaasortaq Agathe Fontain 2014-imi januaarip 12-iani mailikkut nassiussivoq.

2014-imi februaarip 27-ani siunnersuut Kommunalbestyrelsimit oqaluuserineqarpoq, siunnersuullu Ilinniartitaanermut, Kulturimut Sunngiffimmullu ataatsimiititaliamut ingerlateqqinneqarluni.

Tamatuma kingorna Ilaqutariinnermut ataatsimiititaliamit kiisalu Ilinniartitaanermut, Kulturimut Sunngiffimmullu ataatsimiititaliamit siunnersuut oqaluuserineqarpoq.

2014-imi marsip 12-iani pitsaaliuinermi siunnersortit suliamut, atuartut ikiaroorartumik imigassamillu atuinerat pillugu misissuinermut peqataatinneqarnissaat, Ilaqutariinnermut ataatsimiititaliamit aalajangerneqarpoq.

2014-imi marsip 24-ani Ilinniartitaanermut, Kulturimut Sunngiffimmullu ataatsimiititaliamit siunnersuut eqqartorneqareerluni, atuartut akornanni ikiaroorartumik imigassamillu atuneq pillugu misissuisoqassasoq, taamatullu Qeqqata Kommuniani atuartut akornanni misissuineq kiisalu paasissutissiiniarneq piaartumik ingerlanneqassasoq aalajangerneqarpoq. Ilaqutariinnermut ataatsimiititaliap, Ilinniartitaanermut, kulturimut Sunngiffimmullu ataatsimiititaliap, immikkoortortami pisortap kiisalu atuarfinni pisortat ataatsimiinnissamut aggersarneqarnissaat aamma siunnersuutigineqarpoq.

Maleruagassatigut tunngavissat

Qeqqata Kommuniani Meeqqanut inuusuttunullu politikki. (Ilanngussaq 1)

Pissutsit atuuttut

Atorfilittat akornanni sulinngiffeqarneq kiisalu illoqarfinni nunaqarfinnilu internetsimut attaveqarniarnerup ajornartorsiutigineqarnera patsisaallutik, piffissami sivisuumi misissuineq ingerlanniarneqarsimavoq, tamatuma kingunerisaanik 2015-ip ukiaanerani apeqqutinik internetsikkut akineqartussanik nassiussuisoqaqqittariaqarluni.

Suliniut atorfilittanit ingerlanneqarpoq, aqutsisoqatigiinnilu pitsaaliuinermi siunnersortinik atuarfinnilu aqutsisunit inuttaqartinneqarluni.

Akisussaaffiit agguataarneri:

- Atuarfinni aqutsisut ilinniartitsisunik atuarfiullu siulersuisuinik peqataatitsipput.
- Pitsaaliuinermi siunnersortit/atuarfinni siunnersortit apeqquiorput.
- Apeqqutit atuarfintut nassiussorneqarnissaat atorfilittat isumagaat.

Apeqqutit atuartunit iPads-imikkut akisinnaanngorlugit elektroniskiusumik nassiussuunneqarput.

Misissuineq tullinnguuttutigit imaqartinneqarpoq:

- 1 klassimiit 10 klassimut pujortartarneq
- 4 klassimiit 10 klassimut imigassamik atuineq
- 4 klassimiit 10 klassimut ikiaroomartumik atornerluineq
- 1 klassimiit 10 klassimut naamaarneq

Inereri:

Meeqqat atuarfianni atuartut 1358-iniit, akissutit utertinneqartut 483-iupput. Misissuinerimi apeqqutit elektroniskimik taamaallaat akineqarsinnaapput, ilaatigut atuartut iPads-iminnit. Nukarlernit 157-it akissuteqarput, akullerniit angajullerniillu 326-t akissuteqarlutik.

Nukarliit:

Nukarlerni atuartut 10 procentingajai pujortarnermik misileereersimapput, 70 procentii sinnerlugit angerlarsimaffimmini pujortartoqartarneranik akissuteqarput. Naamaarsimanermut apeqquteqaammut, 8,3 procentii naamaarnerup suuneranik ilisimasaqarnerminnik angerput, 4 procentiilu misiliisimanerminnik akissuteqarlutik.

Akulliit angajulliillu:

Akullerni angajullernilu atuartut affai sinnerlugit pujortarnermik misileereerput, 40 procentiilu sinnerlugit imigassartornermik misileereersimallutik. Taakkunani amerlanersaat 11-15 missaanik ukioqarlutik putumallutik misilereerpaat. Angerlarsimaffimmi imigassap ajornartorsiutaaneranut 40 procentit sinnerlugit akissuteqarput. Atuartut angajullerni 10 procentii ataallugit ikiaroomartumik misiliisimapput, 10 procentiilu ataatilaarlugit angerlarsimaffimmini ikiaroomartutortoqartarneranik akissuteqarlutik. Atuartut angajullerni 2 procentii ataallugit naamaarnermik misiliisimapput.

Pujortartarneq, imigassartortarneq naamaartarnerlu atuartunit nalinginnaasumik ajortuunerannik ulorianarneranillu isumaqarput. Aangajaarniutit assigiinnigitsut atuartunit misiligarneqarsimaneri kiisalu angerlarsimaffimmi qanoq atornerqartiginerinnik akissuteqaatit takussutissiipput. Akulliit angajulliillu akissuteqaataat immikkoortinneqarsinnaasuugaluarunik pitsaanerussagaluarpoq. Imigassap, naamaartaarnerup kiisalu ikiaroomartup angerlarsimaffimmi ajornartorsiutaaneranut kiisalu namminerminnut apeqqutit paatsoorneqarsinnaammata ersarissarnerusinnaagaluarput, taamaattumillu atuartut angerlarsimaffimmini assersuutigalugu ikiaroomartumik atuisoqarnerannik kiisalu angerlarsimaffimmi ajornartorsiutaanerannik akissuteqarnerinut naapertuuttoqanngilaq. Tamatuma saniatigut naamaartarneq nukarlernit ilisimaneqanngitsoq malunnarpoq, taamaattumillu taanna akissuteqarfiginissaat ingasagineqarsinnaagunarluni.

Atuilluartuunissakkut kingunerisinnaasai

Qeqqata Kommuniani Ilaqutariinnermut immikkoortortaqarfimmi atuilluartuunissamik suliniutaanut, aangajaarniutinik atuineq pillugu misissuineq paasititsiniaanerlu naapertuulluinnarpoq. Suliap ingerlateqqinneqarnissaanik politikerit aalajangissappata, aqutsisoqatigiit neriuutigaat, suliniut naggataatigut inuiaqatigiinnik atuilluartunik inerreqarumaartoq, taamaalilluni meeqqat inuusuttullu ilinniaqqinnissaminnut imminnullu pilersorsinnaalernissaannut atugassarititaasut pitsaanerpaalissasut, taamatullu timimikkut tarnimikkullu peqqissuussasut.

Aningaasaqarnikkut allaffissornikkullu kingunerisinnaasai

Atuartut internetsikkut akissuteqarnerat kiisalu Attat-mi internetsip attavilunnera patsisaalluni allaffeqarfiup apeqqutinik nassiusseqqinnissamik pisariaqartitsisimanera eqqaassanngikkaanni, misissuineq annertunerusumik aningaasaqarnikkut allaffissornikkullu kinguneqartitsinngilaq.

Allaffeqarfiup naliliinera

Misissuinerit takutippaat atuartut annersaat, pingaartumik akullerni angajullernilu atuartut pujortarnermik misileereersimasut. Taamatullu atuartut arlaqartut aqqanillit sinnerlugit ukioqalereerlutik imigassamik misileereersimani misissuinerup takutillugu, atuartulli ikittuinnaat naamaarnermik misiliisimallutik.

Atuartut angerlarsimaffimmini illoqarfimminilu/nunaqarfimminilu pujortarnermik, imigassamik ikiaroomartumillu ajornartorsiuteqarneq arlalinnit misigisaqarput. Tamakku pillugit Qeqqata Kommuniani pitsaaliuinermik siunnersortit suleqatigalugit, anguniagassartalinnik pinaveersaartitsinermik suliniutinik suliaqartoqartariaqarpoq.

Innersuussut

Allaffeqarfiup kommunalbestyrelsimut innersuussutigivai akuersissutigeqqullugit,

-Paasissutissiissut Kommunalbestyrelsimit tusaatissatut tiguneqassasoq, suliallu ingerlateqqinneqarnissaanut siunnersuuteqassasoq

-Atuarfinni misissuinerup ingerlateqqinneqarnissaanut, Kommunalbestyrelsip Ilaqutariinnermut ataatsimiititaliamut ingerlateqqinneqassasoq

Aalajangiineq

Ilanngussat

2. Qeqqata Kommuniani Meeqqanut inuusuttunullu politikki.
3. Misissuinerup inernera – nukarliit.
4. Misissuinerup inernera – akulliit angajulliillu.

Imm. 20 Ataatsimoorussamik Itilleq/Sarfannguut nunaqarfinni aqutsisuniit Peter Karlsen-ip tunuarniuteqarnera pillugu paasisutissiissut

Journalnr.01.01.03

Tunuliaqutaq

Ataatsimoorussamik Itillimi/Sarfannguanilu nunaqarfinni aqutsisuniit Peter Karlsen septembarip naanerani tunuarniarluni allakkatigut qinnuteqarpoq.

Tunuarniarluni qinnuteqarnermut peqquutigineqarpoq Peter Karlsen-ip ilaqtanilu Itilleq qimallugu Sisimiunut nuuttussangornertik taamaalillunilu qinersivimmi qinigaaffigisani qimattussangorlugu.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersoq,

§ 54. Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.

Imm. 4. Ilaasorta qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimannigikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik nunaqarfinni aqutsisuniit tunuarniarnera peqquteqarpoq Itilleq qimallugu Sisimiunut nuuttussangornerannik.

Sinniisussat allattorsimaffiat malillugu Siumumi sinniisussaq siulleq tassaavoq Karen Sakæussen, Itilleq, Peter Karlsen-illu tunuarneratigut Karen Sakæussen oktobarip aallaqqaataani ataatsimoorussamik Itillimi/Sarfannguanilu nunaqarfinni aqutsisuni ilaasortangussaaq.

Qullersaqarfiup innersuussutaa

Qullersaqarfiup borgmesterimut innersuussutigissavaa tulliuuttut akuereqqullugit

- 1) Peter Karlsen ataatsimoorussamik Itillimi/Sarfannguanilu nunaqarfinni aqutsisuniit septembarip naanerani 2015-imi tunuarniutaa akuerineqassasoq, qinigaaffillu 2013 – 2017 naanginnerani Itillimut uteqqissagaluaruni ilaasortanngoqqinnissani qinnutigisinnaavaa.
- 2) Karen Sakæussen ataatsimoorussamik Itillimi/Sarfannguanilu nunaqarfinni aqutsisuni oktobarip aallaqqaataani ilaasortangussasoq.

Borgmesterip suliamik suliaqarnera

Kommunalbestyrelsi sinnerlugu septembarip 23-iani 2015-imi borgmesterip innersuussutigineqartut akuersissutigivai.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

Innersuussut

Suliaq kommunalbestyrelsimut paasissutissatut saqqumiunneqarpoq.

Aalajangiineq

Ilanngussat

1. Peter Karlsen-ip aggustip 20-ani 2015-imi tunuarniuteqarluni allagaa.
2. Ataatsimoorussamik Itillimi/Sarfanguanilu nunaqarfinni aqutsisuni sinniisussat allattorsimaffiat

Imm. 21 Borgmesterip aalajangiinera - Tikaagullinnut qamutilissorluni pisassiissutiniit ataatsimoorussamik piniaqatigiilluni pisassiissutinut nuussinissaq pillugu tusarniaaneq.

Journalnr. 72.01.03.01

Tunuliaqutaq

Tusarniaaneq 23. oktober 2015 tiguvarput tusarniaaffigisassagullu ullumikkut akissuteqarput. Tusarniaaneq KANUKOKA-mit ullumikkut 26. oktober 2015 nal. 12.00-mut killilerneqarnikuuvoq.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq

Pissutsit atuuttut

Aalisarnermut, Piniarnermut Nunalerinermullu Naalakkersuisup pisarineqarsimasut killiffiat tunngavigalugu aamma KNAPK-mit KANUKOKA-millu akulerutsitsilluni aalajangerpaa tikaagulliit 10-it qamutilissorluni pisassiissutiniit ataatsimoorussamik piniaqatigiilluni pisassiissutinut nuussiniarluni.

Pisassiissutinik tamakkiisumik iluaqutiginninneq qulakkeerniarlugu pisassiissutit 10-inik tikaagullittallit nuunneqartut ulloq 28. oktobarimi ilanngullugulu 2015-imiit Kitaani kommunerujussuarnut sisamaasunut pisarineqarsinnaasunnngortinneqassapput. Aqutsiveqarfiit tamarmik pisassiissutiniit pissarsiarereersimasatik piginnassavaat, takuuk pisarineqarsimasunut killiffik ilanngussa 1-imiittoq.

Ullormi 20. oktobarimi Kitaani ataatsimoorussamik piniaqatigiinnermit tikaagulliit 53-it pisarineqarsimapput aamma qamutilissorluni piniarnermit tikaagulliit 43-t, tamakku kinguneraat pisassiissutiniit sinneruttut 15 + 10-inik amerlassusillit aamma nuussisoqareernerani 58-it.

Kitaani nuunneqartut (amerleriarnert) imaalrput: 10-it

Tikaagullinnut ataatsimoorussamik piniaqatigiinnermut killiffik 20. oktober 2015-imi.

Pisarineqarsimasunut paasissutissat tulluuttut pisat nalunaarutigineqartarnerinit tunngaveqartut, APNN-imit ulloq 20. oktober 2015-imi pissarsiarineqarsimasut. Taamaattorli alaatsinaaqquneqarput nalunaarutiginninnerit ataasiakkaat sulii APNN-imut tunniunneqarsimannngitsut.

Kitaani, tikaagullinnit ataatsimoorussamik piniaqatigiittarneq

Tikaagulleqatigiit Kitaani	Pisat	Pisassiissutit	Pisassiissutit sinneruttut 20/10-mi	Sinneruttut katillugit	Nuussineq 28/10	
Qaanaaq	0	1-1	0	2	10	
Upernavik	10	5+2+3	0			
Uummanaq	7	6+1	0			
Qeqertarsuaq	7	3+1+1+2	0			
Ilulissat	5	2+1+1+1	0			
Qasigiannuit	2	2+1	1			
Aasiaat	3	4+2-3	0			
Kangaatsiaq	3	3+2-1	1			
Sisimiut	3	3+2	2			3
Maniitsoq	4	3+2	1			
Nuuk	2	3	1	4		
Paamiut	1	3+1	3			
Narsaq	2	2+1+1	2	6		
Qaqortoq	1	2+1	2			
Nanortalik	3	3+2	2			
TAMAKKERLUGIT	53	45+4+19*	15	15	10	

* immikkut pisassiissutit najukkami piniartut peqatigiiffiannit aamma kommunimit qinnuteqarnikkut imaluunniit 17/9 agguasseqqinnertut imaluunniit kommunini augustip naalernerani 2015-imi paggatassiissutigalugit piniarnermit nuutsinneqarsimapput.

Allaffeqarfup ilisimatitsissutigissavaa Sisimiut aqutsiviani ataatsimoorluni piniarnermi pisassat 1-mik sinneqarmata taamatullu aamma Maniitsup aqutsiviani pisassaq 1 suli pisarineqarani. Pisassiissutit taakkua uani pisasseeqqinnermi attorneqaratik kommunip piginnassavai.

Aalisartut piniartullu peqatigiiffii Allattoqarfiup tusarniaaffigivai.

Akissuteqaatut ukua tigusimavagut:

Maniitsumi Umiatsiaararsorlutik Aalisartut Piniartullu Peqatigiffiata oqaaseqaatiminni 26. oktober 2015-meersumi nalunaarutigivaat Kitaani 10-nik paggatassiiniarneq peqatigiiffiup ajorinngikkaa.

Kangaamiuni Aalisartut Piniartullu peqatigiit (kapp) oqaaseqaatiminni 26. oktober 2015-meersumi imatut allapput:

” Tikaagulliit pisassat sinneruttut kiisalu qoorortoorsorluni pisassanut nuussinissaq pillugu tusarniaassummut KAPP –mit nuussinissaq tapersorsorneqarpoq.

Kissaatigineqarpoq pisassiissutigeqqinneqartut paggatassiissutigineqarnissaat. Pissutigalugu:

Ukiuni kingullerni paggatassiisarneq assut kingusittarpoq pingaartumik decemberip aallartinnerani tamanna pigaangat tamatumani anoritusinerit immap aalasarnera piniarnermut akornutaasarmat.

Taamaattumik maannakkut nuusineq ilutigalugu tamanut

paggatassiissutigineqarnissaat pissusissamisoorpoq. Neriuppugut akuerineqarumaartog

Kangaamiuni ullumikkut qamutilimmik piniartuq ataasiinnanngorami neqi assut pisariaqartikkatsigu”.

Sisimiuni Angalallateerarsorlutik aalisartut piniartullu peqatigiffiata oqaaseqaatimini 26.10.2015-meersumi nalunaarutigivaat agguasseqqinneq taamattut aaqqinneqarnissaa ajorinagu.

Aningaasaqarnikkut allaffissornikkullu kingunerisinnaasai
Ilanngussaqaanngilaq.

Qullersaqarfiup oqaaseqaatai
Soqaanngilaq

Allaffeqarfiup naliliinera
Allaffeqarfiup nalilerpaa qamutilissorluni pisassaniit qoorortoorsorluni pisassanut 10-nik nuussineq pisuussutinik atorluanaanersasoq Allaffeqarfiup nalilermagu taamatut nuussisoqaanngippat ukioq manna tikaagullittassiissutinik pisarineqaanngitsut amerlasuujuussasut.
Ulloq 20. oktober 2015 pisanik nalunaarsuinerit tunngavigalugit takuneqarsinnaavoq matumani 10-nik nuussisoqareernerani qamutilissortut suli 58-nik pisassaqaqumaartut. Taammaammat Allaffeqarfiup nalilerpaa qamutilissortunut pisassiissutiniit 10-nik nuussineq qamutilissortunut ajortumik sunnuteqarnaviannngitsuq ukiup sinneranut qamutilissortunut pisassa suli amerlammata. Qeqqata Kommuniani aalisartut piniartullu peqatigiiffiisa oqaaseqaataat kommunimit tiguneqarsimasut tunngavigalugit Allaffeqarfiup nalilerpaa nuussinermi pisassiissutissat 10-t Kitaani paggatassiissutigineqarnissaannik tusarniaaneq isumaqatigalugu kommuni nalunaaruteqarsinnaasoq.

Allaffeqarfiup innersuussutaa
Qoorortoorsorluni pisassiissutissat 10-t Kitaani paggatassiissutigineqarnissaat isumaqatigalugu Qeqqata Kommunian KANUKOKA-mut nalunaaruteqassasoq.

Pisuussutit Umassusillit pillugit ataatsimiititaliap siulittaasuata suliamik suliarinninnera
Ataatsimiititaliap siulittaasuata oktobarip 26-iani 2015 allaffeqarfiup innersuussuta akuersissutigivaa.

Borgmesterip suliamik suliaqarnera
Kommunalbestyrelsi sinnerlugu oktobarip 26-iani 2015 borgmesteri aalajangiivoq,

-qoorortoorsorluni pisassiissutissat 10-t Kitaani paggatassiissutigineqarnissaat isumaqatigalugu Qeqqata Kommunian KANOKOKA-mut nalunaaruteqassasoq.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq.

Innersuussut
Suliaq kommunalbestyrelsimut paasissutissatut saqqumiunneqarpoq.

Aalajangiineq

Ilanngussat

1. Aalisarnermut, Piniarnermut Nunalerinermullu Naalakkersuisoqarfiup ulloq 22. oktober 2015 Tikaagullinnut qamutilissorluni pisassiissutiniit ataatsimoorussamik piniaqatigiilluni pisassiissutitut nuussinissaq pillugu tusarniaaneq.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12.22.december 2014-meersoq,
3. Maniitsumi Umiatsiaararsorlutik aalisartut piniartullu peqatigiiffiata 26.10.2015 oqaaseqaataat
4. Kangaamiuni aalisartut piniartullu peqatigiit oqaaseqaataat 26.10.2015-meersoq
5. Sisimiuni Angalallateerarsorlutik aalisartut piniartullu peqatigiiffiata oqaaseqaatat 26.10.2015-meersoq.

Imm. 22 Tamalaat